

## **Isenpoikasa' R#p# Isaan Ena' Ekamanin**

*Isenpoikasa' R#p# Isaan Ena'* e'menuka'p# K#ri'san am# kota'ma a'tai, ap#ne p#ra Sises K#rai apuri to' uya wenai Itepuru pe. Imenukanin e'ku'to' ipi' kuru esi'p# t#nmenuka'p# ennin nan repato' pe t#uya to' e'ku'to' ike ke, miri awonsi'ki to' epori'mapi'to' ike ke, miri awonsi'ki isi moronkato' to' uya yau, t#kota'mato' kon yau to' e'to' pe te'nonkai' p#ra.

Eke pe kuru kareta yau tu'ke kuru isenpoikasa' ton miri awonsi'ki en uta'kwakasa' nene'p# ton usekama ento' ipikiron main yau, miri a'taino kon K#ri'san am# n#to'ka'n#k#n# pe, e'tane t#ron kon n#to'ka'n#k#n# pe p#ra ri nin si iye'nonkasa'. Eren esi tese' ke'ne kasa, seri kareta yawo'nan itese' ton utakonomapit# ti'tui' p#ra tu'kan wini ri en uta'kwakasa' nene'san wini ri. Isi'tai ri eseru wann# e'tane seri kareta yawon enpoikato' yai, itesa' ese' esi tensen pe kuru ri: K#rai, Itepuru poro, Papa uya tanporo teyaton non ma'tan#to' oton ip#ra ri, Se'tan pokon pe ri, miripan uya t#maimu awiron kon t#munki ton e'mato' oton emenna' Ep#n ke miri awonsi'ki emenna' non ke to' entai tena to' enuka'n#sa' t#uya a'tai.

### **Iyawon Ekamanin**

Ekamanin (1:1-8)

En uta'kwaka, uta'koka, enno'pi'sa' kareta 7 pan  
so'si ena' (1:9—3:22)

Kareta amon 7 kaisaron a'si'to' esa' (4:1—8:1)

7 kaisaron wai, t̄ronpi' itese' (8:2—11:19)  
 Urupere miri awonsi'ki asa'ron kon ene am̄'  
 (12:1—13:18)  
 Isi'taino en uta'kwakasa' nene'p̄u (14:1—15:8)  
 7 kaisaron p̄sau Papa sakorooi euku yen ton  
 (16:1-21)  
 Paperan uma'ta, Ene wini, ennakanin pu'kena',  
 Makoi (17:1—20:10)  
 Iu'mat̄u a'taino eseru aimenkato' (20:11-15)  
 Emenna' Ep̄uñ, emenna' non, emenna' Su-  
 rusiran (21:1—22:5)  
 Iu'ma'sa' (22:6-21)

### *Ekamanin*

<sup>1</sup> Seri kareta esi Sises K̄rai nenpoika'p̄u, Papa n̄t̄ur̄u'p̄u itena', t̄poitor̄u ton auro'kato' pe iya seri pe'ne kuru te'ku'sen pi'. K̄rai uya seri ton enpoika'p̄u t̄poitor̄u Isaan ena', t̄nser̄uñi tenno'se ipiya'. <sup>2</sup> Tanporo Isaan uya t̄nene'p̄u menukasa', seri si inmenuka'p̄u Papa maimu miri awonsi'ki i'napairon Sises K̄rai nenpoika'p̄u. <sup>3</sup> Pori' pe kuru k̄ri ri imenu ennin pe na'ne' esi miri, miri awonsi'ki kamoro niri seri te'ku'ton ekamanin main etanin nan miri awonsi'ki an̄ñnin nan seri kareta yau iye'menukasa' na'ne', ap̄uñe p̄ara a'ko pe iye'ku'to' weyu esi pi'.

### *Miyari Tato' 7 Kaisaron So'si Pi'*

<sup>4</sup> Isaan winipaino, 7 kaisaron so'si am̄' Eisa po te'san enakan. Wak̄u nonkasa' miri awonsi'ki t̄usewankamai' p̄ara e'n̄ito' nesii ipiyau'nokon, moro te'sen, moro iye'sa' r̄u'p̄u miri awonsi'ki t̄uue'ton winipaino, miri awonsi'ki 7 kaisaron

kon iya'kwaru amu\* iyapon rau te'san winipaino,  
 5 miri awonsi'ki Sises Kurai winipaino, i'napai  
 ri kuru ekamanin, wapiya kuru iyentusa' ru'pu  
 e'mu'sa'kasa' ru'pu eri'nito' yapai, miripan esi non  
 pon kon kin amu' epuru pe.

Tiwu ui'nankanin kon, miri awonsi'ki umo'kanin  
 kon umakooi kon yapai tumunu ke, 6 miripan  
 uya use'man nito' tarawasomanin nan pe uku'sa'  
 kon Papa itese' pi' te'to' miri awonsi'ki tukupunu,  
 apiyo' pe e'nito' pe—tiwu Sises Kurai ku'to' eke pe  
 miri awonsi'ki merunti pe iye'to' nesii, itiwano' pe  
 inke ri! Amen.

7 Enti! Kapuru' yau iyepu!

Tanporon kon uya ri ento' oton,  
 apurupi'nin nu'san pokon pe ri.

Tanporon kon non po te'san ka'pon amu'  
 ukaranto' oton tauta'kwarukai' iwenai.

Miri kasa iye'to' oton! Amen.

8 “Uri kuri ri Arupa miri awonsi'ki Omeka,”  
 ta Itepuru Papa Merunti pe kuru te'sen ye' uya,  
 “moro te'sen, moro iye'sa' ru'pu miri awonsi'ki  
 tuye'ton,” uya ta.

### *Ka'pon, Papa Winon Waraino*

9 Isaan uri, irui kon, Sises a'kiri esi koro'tau  
 itonpa kon pe esi seri isi a'kure'ti pi', esa' wanni  
 pe iye'to' yawon kon pe te'san neporonu, opa'wu  
 Pa'tumos itese' po inonkasa' pe esi'pu Papa maimu

---

\* **1:4** 7 kaisaron kon iya'kwaru amu'; miri pe para, 7 pe iku'nin  
 a'kwaru. **1:4** E'sotas 3:14; Isenpoikasa' 4:5 **1:5** Aisaya 55:4;  
 Eren 89:27 **1:6** E'sotas 19:6; Isenpoikasa' 5:10 **1:7** Taniyeru  
 7:13; Sakaraya 12:10; Ma'siu 24:30; Ma' 13:26; Uru' 21:27; Isaan  
 19:34, 37; 1 Tesaroni'ka 4:17 **1:8** E'sotas 3:14; Isenpoikasa' 22:13

miri awonsi'ki i'napairon Sises nenpoika'pɥ ekama uya pi'. <sup>10</sup> Itepuru weyu a'tai, Ita'kwarɥ yau esi'pɥ, miri yau eke main taronpi' maimu waraino eta'pɥ uya uya'poi wini. <sup>11</sup> “Menyai'ne' imenuka' kareta pi', miri awonsi'ki menno'pitɥi' 7 kaisaron so'si ya'ne E'pe'sas pona, Simerɥna pona, Porɥkaman pona, Taya'tira pona, Sarɥtes pona, Piraterɥ'piya pona, miri awonsi'ki Irawote'siya pona,” tawon.

<sup>12</sup> Era'ti'pɥ inɥ' uya uyauro'ka tukai' ense'na. Era'tisa' a'tai, 7 kaisaron korɥ pun konekasa' raan'pu apon ton ene'pɥ uya. <sup>13</sup> Miri ton koro'tau ka'pon, Papa winon waraino ene'pɥ uya, ipon esi'pɥ i'ta pɥ'kɥ pona miri awonsi'ki korɥ pun konekasa' pe iyawoino esi'pɥ.† <sup>14</sup> I'pai i'po' esi'pɥ aimu'ne karimeru i'po' kasa miri pe pɥra sino tato' kasa, miri awonsi'ki itenu amɥ' e'werouwerouma'pɥ apo' kasa. <sup>15</sup> I'ta amɥ' esi'pɥ karukuri epo'ti urentasa' kasa, miri awonsi'ki tuna ena kasa imaimu useta'pɥ. <sup>16</sup> 7 kaisaron kon siriki amɥ' a'sisa' iya esi'pɥ temiyatɥ enwo'netɥ wini, miri awonsi'ki iyikena', isi'ratoi pokon iyi supara epa'ka'pɥ inta yapai. Itemɥ' esi'pɥ a'kwa pe kuru ri wɥi enu esi a'ne' pe a'taino kasa.

<sup>17</sup> Ensa' uya a'tai, i'ta piyau uta'mo'ka'pɥ eke' kasa. Miripan uya temiyatɥ enwo'netɥ ke uya'pitɥ'pɥ, “Kenari'nɥmɥi. Uri kari ri Wapiyaro', miri awonsi'ki Iu'matɥ. <sup>18</sup> Nurine e'ai'; iyeri'sa' rɥ'pɥ uri e'tane, nurine e'ai' inkeru', inkeru' pe ri!

---

† **1:13** Taniyerɥ 7:13; 10:5.    **1:15** Taniyerɥ 7:9; 10:6    **1:15** Isi'kiyerɥ 1:24; 43:2; 2 Estɥras 6:17    **1:17** Aisaya 44:6; 48:12; 2 Estɥras 10:30; Isenpoikasa' 2:8; 22:13

Ekota'man pata'se' miri awonsi'ki eri'nito' kii esa' pe e'ai'.

19 “Imenukaki, inene'pu, seri pe na'ne' miri awonsi'ki seri tupo te'ku'ton. 20 Seri si ama'aino ekamanin, 7 kaisaron kon siriki amu' uyemiyatu enwo'netu yau na'ne' nan miri awonsi'ki 7 kaisaron koru pun konekasa' raan'pu apon ton: Kamoro 7 kaisaron kon siriki amu' esi 7 kaisaron so'si inseruu† amu'‡ miri awonsi'ki 7 kaisaron raan'pu apon ton esi 7 kaisaron so'si amu' ekamanin pe.

## 2

### *Main E'pe'sas Pona Kan*

1 “E'pe'sas pon so'si inseruu\* ena' imenuka':

“Se ka'ki imunki amu' pi', tukai': Seri main esi 7 kaisaron kon siriki amu' a'sisa' iya na'ne' temiyatu enwo'netu yau winon pe miri awonsi'ki 7 kaisaron koru pun ka'sa' raan'pu apon pe koro'tawiri nusayai'ne'. 2 Inkupu'pu kon si'tuyai', sa'man pe ri iye'tarawasomasa' kon, iusetakasa' kon pura ri. Si'tuyai', iri ton anansa' auya'nokon pura ri iyese, itekare ekamai' enno'sa' kon ina tawon nan i'tupi'sa' auya'nokon kasi ye' ton pe. 3 Iusetakasa' kon pura iyese, miri awonsi'ki isi ri a'kure'tisa' auya'nokon uyese' wenai, e'tane iye'nonkasa' kon pura iyese.

4 “E'tane ipoken pura iwe'to' kon eposa' uya man: Wapiya isi'nunkena' pe iwesi'pu kon kasa pura me'atui'. 5 Auta'mo'ka'pu kon awonsi'ki

---

† 1:20 so'si inseruu† amu', miri pe pura so'si nennokonu ton \* 2:1 inseruu†, miri pe pura inennokonu; v. 8, 12, 18 yau niri.

i'tuti'! Amakooi kon winipai era'titi', miri awonsi'ki wapiya inkup<sub>u</sub>'p<sub>u</sub> kon kup<sub>u</sub> kon pa. Amakooi kon apai iyera'ti kon p<sub>u</sub>ra iyesi yau, ipiya'nokon uyep<sub>u</sub> miri ipata'se' apai araan'puui kon apon amase'na. <sup>6</sup> E'tane wak<sub>u</sub> pe iku'to' kon ipikiri moro man: Ni'korai'tan am<sub>u</sub>' eseru ewaruma'ti auya'nokon, uyewaruma ri niri.

<sup>7</sup> “T<sub>u</sub>pana ke te'sen, tiwi Ita'kwar<sub>u</sub> uya so'si ton auro'kayai'ne' etai. Kamoro entakanin nan repato' uya oton wak<sub>u</sub>, Papa pata'se' yawon uko'man nito' e' eperu ke to' uya ina'to' pe.

### *Main Simer<sub>u</sub>na Pona Kan*

<sup>8</sup> “Simer<sub>u</sub>na pon so'si inser<sub>u</sub>ai ena' imenuka':

“Se ka'ki imunki am<sub>u</sub>' pi', tukai': Ser<sub>i</sub> main esi Wapiyaro' miri awonsi'ki Iu'mat<sub>u</sub>, iyeri'sa' r<sub>u</sub>'p<sub>u</sub> miri awonsi'ki t<sub>u</sub>uko'mansen nurine winipaino.

<sup>9</sup> Si'tuyai', ayanpok<sub>u</sub>manin kon, miri awonsi'ki entu'ma' ri iwesi kon, e'tane imaminke' pe me'atui'. Iri pe ri Esuwer<sub>u</sub> am<sub>u</sub>' pe te'ku'san us-auro'sa' si'tuyai', e'tane kamoro pen ni, Se'tan† usenupato' iw<sub>u</sub>' ton kamoro. <sup>10</sup> Ikota'mato' kon pi' kenari'n<sub>u</sub>nt<sub>u</sub>. Etati'! Makoi uya ii'tuto' kon oton pariki'si ta' itonpa kon ta'sise. <sup>10</sup> kaisa ri w<sub>u</sub>i iyekota'mato' kon oton. Wak<sub>u</sub> pe upi' t<sub>u</sub>uta'sii' e'ti' iyeri'to' kon ni e'sepotane, miri a'tai iuko'manto' kon arukooi ke irepa uya 'nokon miri.

<sup>11</sup> “T<sub>u</sub>pana ke te'sen, tiwi Ita'kwar<sub>u</sub> uya so'si ton auro'kayai'ne' etai. Iyakon ite'kwa pe

**2:7** Iseneses 2:9; Isi'kiyer<sub>u</sub> 28:13 (LXX); 31:8; 2 Estaras 2:12; Isenpoikasa' 22:2 **2:8** Aisaya 44:6; 48:12; Isenpoikasa' 1:17; 22:13

† **2:9** Se'tan—Makoi ese' isakon, Papa eseru ewaruma'tinin ta e'kwa pe; v. 13, 24 yau niri.

eri'nito' uya kamoro entakanin nu'san wito' ototon pen.

*Main Porukaman Pona Kan*

<sup>12</sup> “Porukaman pon so'si inseruui ena' imenuka':  
 “Se ka'ki imunki amu' pi', tukai': Serì serì main, iyikena' isiratoì pokon iyì supara esa' maimu. <sup>13</sup> Iuko'manto' kon pata'se' si'tuyai', Se'tan apon pata'se' yau. I'napai ri upi' auta'sisa' kon, upi' i'napairon tato' auya'nokon nonkasa' auya'nokon para ri, Anti'pas, iyawiri kuru uyekamanin wini to' uya koro'tau ri apata kon yau miri Se'tan uko'manto' yau.

<sup>14</sup> “E'tane ipoken para iwe'to' kon eposa' uya man: Moro Peran eseru ku'nin nan man i'koro'tau'nokon. Para' enupa'pu iya Esuweru amu' e'makoimato' ipikiri ku'to' pe iya, ika'sa' ena' itusa' ru'pu pi' to' uta're'tito' pe miri awonsi'ki to' ekumato' pe. <sup>15</sup> Miri kasa ri mari Ni'koraitan amu' usenupato' ku'nin nan moro man i'koro'tau'nokon. <sup>16</sup> Era'titi' amakooi kon apai. Ikupu auya'nokon para iyesei yau, inke para uyepu miri ipiya'nokon to' ewa'nomase'na, miri unta apai tepa'kasen supara ke.

<sup>17</sup> “Tupana ke te'sen, tiwi Ita'kwaru uya so'si ton auro'kayai'ne' etai. Kuri ri entakanin nu'pu repato' uya ototon tonan tawon mana tato' kiyari ke miri awonsi'ki aimu'nan ti' ke irepato' uya ototon, emenna' ese' e'menukasa' ipi', taron kon ni'tunu pen ni, eponin niken ni'tunu.

---

**2:11** Isenpoikasa' 20:14; 21:8      **2:14** Nonpa 22:5, 7; 25:1-3;  
 Isu'taronomi 23:4      **2:17** E'sotas 16:14-15; 16:33-34; Aisaya 62:2;  
 65:15; Isaan 6:48-50

### *Main Taya'tira Pona Kan*

18 “Taya'tira pon so'si inseruui ena' imenuka':

“Se ka'ki imunki amu' pi', tukai': Seri main esi Papa Mumu winipaino, apo' e'werouwerouma waraino itenu miri awonsi'ki karukuri aku'nisa' kasa tuurenpanpi'sen i'ta. 19 Inkupunu kon si'tuyai', iusi'nunkato' kon, i'napai ri iwe'to' kon, iyepika'tito' kon miri awonsi'ki tuuseta'kasen pe para ri iwesi kon. Wapiya ikupu'pu auya'nokon entai seri pe maku'atui'.

20 “E'tane se man iri pe ipi'nokon e'ku'to': Kuri ri uri'san Isesaperu, pu'kena' pe te'ku'sen piri'ka auya'nokon para iyesi. Upoitoru ton enupa iya miri awonsi'ki to' ano'ma iya to' ekumato' pe, miri awonsi'ki Papa pe itese' ika'sa' ena' itusa' ru'pu pi' to' uta're'tito' pe to' kupu iya. 21 Tumakooi winipai iyera'tito' pe iweyu ke irepa'pu uya e'tane tekumato' innonkapai para iyesi. 22 Miri pe iyesi pi', te'kwe' po takuru'ke iye'to' pe miri awonsi'ki tanporo iya'kiri iyekumasa' kon pokon pe ipan pe e'ne' moronkato' pe to' uya inonka uya. Seri pe kuru seri kupu uya, iri ku'nin nu'san iya'kiri era'ti para iyesi a'tai. 23 Miri awonsi'ki iya'kiri te'san kanan tu'ka uya miri, so'si ton uya i'tuto' pe uri esi ka'pon amu' ewan miri awonsi'ki to' usenuminkato' i'tunin, miri awonsi'ki akaisari'nokon iye'ma uya 'nokon miri inkupu'pu kon pikiri ri. 24 Ta uya imiri'nokon tonpa ton Taya'tira pon kon pi', ita'sisa' para na'ne' nan isenupato' pi' miri awonsi'ki isenupasa' para na'ne' nan ama'aino



kuru Se'tan eseru tato' pi'. E'tane ekama uya ipi'nokon, taron ni ri e'tape'ne' nonka uya pen seri ipona'nokon. <sup>25</sup> E'tane ipiyau'nokon na'ne' pi' ata'siti' pana' pe uyepu pu'ku pona ri.

<sup>26-28</sup> “Kuri ri entakanin nu'pu i'se e'to' kupu pi' iye'sa' iu'matu pona ri ena' eke pe e'nito' tuto' uya oton ukupunu winipai uneporo'pu, ka'pon amu' tūpataron kon esa' pe iye'to' pe—

‘Wa'ka pun konekasa' itii pe esii'ma to' esa' pe iyesi;

miri awonsi'ki to' a'moruka iya tawa ka'sa' ini pe a'moruka kasa.†

Awanaku'no kaiyono' ke niri irepa uya miri.

<sup>29</sup> “Tupana ke te'sen, tiwi Itakwaru uya so'si ton auro'kayai'ne' etai.

### 3

#### *Main Sates Pona Kan*

<sup>1</sup> “Sates pon so'si inseruu\* ena' imenuka':

“Se ka'ki imunki amu' pi' tukai': Seri main esi 7 kaisaron Papa A'kwaru amu'† miri awonsi'ki 7 kaisaron kon siriki amu' a'sisa' iya na'ne' winipaino. Inkupunu kon si'tuyai', nurine iwesi kon tukai' iye'kupu kon e'tane iyeri'sa' pe iwesi kon. <sup>2</sup> Apakati', moro iye'ku'sa' na'ne' imeruntitanu'ti', eri'ni poken na'ne'. Eposa' uya man inkupu'pu kon esi iyenuka'sa' pe para Papa, itese' pi' e'to' enu yau. <sup>3</sup> Iyenupa'pu kon iku'ti' iyenu kon yau eta'pu auya'nokon awiri,

† **2:26-28** Eren 2:8-9 (LXX) \* **3:1** inseruu, miri pe para inennokon; v. 7, 14 yau niri. † **3:1** 7 kaisaron kon Papa A'kwaru amu'; miri pe para, 7 e'to' airon iteseru Iya'kwaru.

iyawiri e'ti', miri awonsi'ki amakooi kon yapai era'titi'. Aupaka kon p̄ra iyesi yau, ama' kasa ipiya'nokon uyep̄u miri, ipiya'nokon uyep̄u weyu i'tuto' auya'nokon oton pen.

<sup>4</sup> “Tu'kan kon pen Sates pon kon uya t̄pon kon oi'masa' p̄ra man. Uya'kiri si to' usato' oton aimu'nan ya' tepontipi'se, ap̄ne p̄ra miri ri eponin nan ye' pe to' esi. <sup>5</sup> K̄ri ri entakanin n̄p̄u epontito' oton aimu'nan ya', to' kasa. Moro uko'man n̄to' ese' apon yapai itese' kukato' uya oton pen. E'tane Uk̄ip̄n̄u miri awonsi'ki itinser̄u ton uya eta tane uni'tun̄u k̄ri ri tato' uya oton.

<sup>6</sup> “T̄pana ke te'sen, tiwi Ita'kwar̄u uya so'si ton auro'kayai'ne' etai.

### *Main Pirater̄u'piya Pona Kan*

<sup>7</sup> “Pirater̄u'piya pon so'si inser̄u ena' imenuka':  
Se ka'ki imunki am̄u' pi' tukai':

“Seri main esi wak̄u miri awonsi'ki i'napairon winipaino, Tepi' iwano' ki esa', a'kokanin pe iyesi in̄u uya ri a'koro poken p̄ra, miri awonsi'ki a'konin pe iyesi in̄u uya i'ri a'koka poken p̄ra. <sup>8</sup> Inkup̄n̄u kon si'tuyai'. M̄ra'ta si a'kokasa' uya man i'iwano' kon pe in̄u uya a'koro poken p̄ra ri. Aiko pe r̄u'kw̄i apana'pano kon man e'tane ayauro'kato' uya 'nokon awiri ri iwe'sa' kon man, miri awonsi'ki uyese' nonkasa' auya'nokon p̄ra man. <sup>9</sup> Kamoro Se'tan† munki

---

**3:3** Ma'siu 24:43-44; Ƴru' 12:39-40; Isenpoikasa' 16:15      **3:5**  
E'sotas 32:32-33; Eren 69:28; Ma'siu 10:32; Ƴru' 12:8; Isenpoikasa'  
20:12      **3:7** Aisaya 22:22; Isopu 12:14      † **3:9** Se'tan - Makoi ese'  
isakon, Papa eseru ewaruma'tinin ta e'kwa pe.

amꞰ', kasi ye' ton EsuwerꞰ amꞰ' pe te'ku'san kasi pe ri, ipiya'nokon to' uye'to' pe ikupꞰ uya miri a'ta kon piya' epeimase'na. To' uya si i'tu miri ii'nꞰnka kon uya tukai'. <sup>10</sup> TꞰusetakai' pꞰra umaimu awiri e'ti' tasa' uya awiri iwe'sa' kon pi', amainanpa kon uya miri ewankamanin weyu a'tai, non emꞰ' pona nꞰye'ai'ne' ka'pon amꞰ' non pon kon i'tupi'se'na.

<sup>11</sup> “SerꞰ pe kuru uye'ai'. Ipiyau'nokon na'ne' imainanpati', inꞰ' uya ri ayarꞰkooi, kꞰron mo'ka namai'. <sup>12</sup> Kari ri entakanin nꞰ'pꞰ ku'to' uya oton ipiyaino pe, Papa, itese' pi' e'to' iwꞰ' tau, miripan uya inonkato' oton pen. Papa, itese' pi' e'to' ese' menukato' uya oton ipi' miri awonsi'ki Papa pata'se' ese', emenna' Surusiran ese', tꞰu'ti ton EpꞰn winipai Papa, itese' pi' e'to' piyawonsi'ki; miri awonsi'ki emenna' uyese' menukato' uya oton ipi'.

<sup>13</sup> “TꞰpana ke te'sen, tiwi Ita'kwarꞰ uya so'si ton auro'kayai'ne' etai.

### *Main Irawote'siya Pona Kan*

<sup>14</sup> “Irawote'siya pon so'si inserꞰai ena' imenuka':  
Se ka'ki imunki amꞰ' pi' tukai':

“SerꞰ main esi Amen winipaino pe, main awiron, i'napai ri ekamanin§ miri awonsi'ki tanporon Papa nꞰkoneka'pꞰ esa' winipaino. <sup>15</sup> InkupꞰnꞰ kon si'tuyai', i'tu uya ikomi' pe pꞰra iwesi kon miri awonsi'ki a'ne' pe pꞰra niri. TisakonꞰ'kai' iwesi kon i'se e'ai'. <sup>16</sup> ApꞰne pꞰra mara ru'kwi a'ne' pe iwesi kon—a'ne' pe

---

**3:9** Aisaya 43:4; 49:23; 60:14    § **3:14** ekamanin, miri pe pꞰra esa'.    **3:14** Ipu'ketꞰ 8:22

pura miri awonsi'ki ikomi' pe pura iwesi kon pi', unta yapai iyeta'tanuku uya 'nokon miri. <sup>17</sup> 'Imaminkena' pe ri ina man; iparataaike' pe ri ina man, i'se ina e'to' pura ri man,' ta auya'nokon, e'tane iri pe iwesi kon, entu'ma' kuru ri iwesi kon, itimamin pura iwesi kon, ipon pura miri awonsi'ki tenku'ne iwesi kon. <sup>18</sup> Miri pe iyesi pi', ayauro'ka uya 'nokon koru enna kon pa upiyapai, esukenan koru; miri a'tai imaminkena' pe iwesi kon pa miri awonsi'ki aimu'nan pon ennanin pe, iyeponti kon pa, piyi'nu' na'ne' tense niponti kon pa. Meru'san kanan ennati', iyenu kon ya' itaru kon pa; miri a'tai, ennin pe iwesi kon pa.

<sup>19</sup> "Uni'nunkanu ton piri'kanin miri awonsi'ki to' panamanin uri. Miri pe iyesi pi', i'napairon pe miri awonsi'ki amakooi kon yapai tera'tii' e'ti'. <sup>20</sup> Eta'! E'mu'sa'kasa' mura'ta nau iwipitu pi', miripan inu' uya ri umaimu etasa' uya mura'ta a'kokasa' yau, iya'kiri itiwu' ta' ewomu miri, ipokon pe ata're'tise'na miri awonsi'ki upokon pe kanan ita're'ti miri.

<sup>21</sup> "Kuri ri entakanin nu'pu ku'to' uya oton upiyau iyereutato' pe uyapon po, entakasa' uya pi' Ukurunu piyau iyapon po ereutasa' na'ne' kasa.

<sup>22</sup> "Tupana ke te'sen, tiwi Ita'kwaru uya so'si ton auro'kayai'ne' etai," ta'pu iya.

## 4

### *Papa Apon Epan Pon*

1 Miri tupo, uyenu tura'pu uya, mura'ta uta'kokasa' Epun po ene'pu uya urau. Miri a'tai, wapiya uneta'pu wai, taronpi' warai maimu uya uyauro'ka'pu, "Enu'ki seri ya', miri awonsi'ki ipi' enpoikato' pe uya te'ku'sen ton seri tupo," tukai'.  
 2 Inke para ri Ita'kwaru ya' ena'pu, miri yau apono' esi'pu Epun po, miripan po ka'pon ereutasa' esi'pu.  
 3 Iyereutasa' pe te'sen usene'pu enkena' pe ti', isaspa tato' miri awonsi'ki ti', kaneriyen tato' kasa. Apono' woi ikiiimi esi'pu ti', emiraru tato' kasa. 4 Apono' woi 24 kaisa ri apono' ton esi'pu, miripan po'ne 24 kaisa ri itepuru ton ereutasa' esi'pu. To' epontipi'sa' esi'pu aimu'nan tapon kon ya', miripan kon arakooi karon esi'pu koru pun konepi'sa' pe'ne to' i'pai po. 5 Apono' winipai kamiri' e'weuweuma'pu, ta'merunsen esi'pu miri awonsi'ki korume e'toi'pitu'pu, miripan apono' rau 7 kaisa ri raan'pu amu' epo'ti esi'pu. Seri ton si esi'pu 7 kaisaron Papa A'kwaru pe.\* 6 Apono' rau parau wanamari kasa tatusensen esi'pu awai'nan ti' kurestaru tato' kasa.

Miripan a'sanau apono' woi iyese'pu asakiri'nan kon ene amu', tenukena' nan to' paropo wini'ne miri awonsi'ki to' a'poi wini'ne. 7 Wapiyaro' ene usene'pu rayan kasa, miri awonsi'ki ite'ma'pu winon esi'pu paka mare kasa, to' osoruwano esi'pu ka'pon emu' ke, miri awonsi'ki to' asakiri'pano esi'pu imisimi arinta kasa. 8 To' kaisa ri to' apiri esi'pu 6 kaisa ri'ne, miri awonsi'ki to' enu esi'pu

---

\* 4:5 7 kaisa ri Papa A'kwaru pe; miri pe para, 7 kaisaron iteseru Iya'kwaru. 4:5 E'sotas 19:16; Isi'kiyeru 1:13; Sakaraya 4:2; Topi' 12:15; Isenpoikasa' 1:4; 8:5; 11:19; 16:18 4:6 Isi'kiyeru 1:22 4:7 Isi'kiyeru 1:5-10; 10:14

to' oi'ne ri, to' apiri o'no'ne ri. Miripan kon ereuta p̄ra ri iyese'p̄a w̄ai nai miri awonsi'ki ewarupi nawiri ri:

“Wak̄a, Wak̄a, Wak̄a,

Itepuru Papa Merunti pe kuru te'sen ye',  
moro iye'sa' r̄a'p̄a, miri awonsi'ki moro na'ne',  
miri awonsi'ki t̄u'ye'ton,”

ta t̄u'ya'nokon apai. <sup>9</sup> Kamoro si asakiri'nan kon ene am̄a' userenka apono' pon apurip̄ita pe, inama pe miri awonsi'ki tenki ta t̄u'ya'nokon pe, t̄uko'mansen pi' inke ri, inke ri, <sup>10</sup> 24 kaisaron kon itepuru ton e'sekunka'p̄a apono' po iyereutasa' piyau apurip̄ita pe, t̄uko'mansen inke ri, inke ri, miripan kon uya apono' rau tarukooi kon, karon nonkap̄ita'p̄a.

<sup>11</sup> “Wak̄a eponin ye' pe iwesi, imiri, ina Epuru, miri awonsi'ki Papa, itese' pi' ina e'to', eke pe i'tuto', anamato' miri awonsi'ki merunti eponin pe iwesi, tanporon ni esi pi' ankaa'p̄a pe. Amaimu awiri iye'ka'p̄ita'p̄a, t̄uko'manton kon pe,” ta'p̄a to' uya.

## 5

### *Kareta Amon Miri Awonsi'ki Karimeru Mure*

<sup>1</sup> Ene'p̄a uya iyereutasa' apono' po emiya enwo'net̄a yau kareta amon iye'menukasa' isi'rato'i pi', 7 kaisaron a'si'to' ike ke a'si'sa'. <sup>2</sup> Miri awonsi'ki pana'pan inser̄a ene'p̄a uya, eke pe ekama'po'p̄a iya, “In̄a' nai wak̄a seri kareta amon

a'si'sa' rṁ'pṁ i'kwɪ'nin pe miri awonsi'ki a'kokanin pe?" ta'pṁ iya. <sup>3</sup> E'tane inṁ' pṁra ri iyesi'pṁ Eṁan po, seri non po, miri awonsi'ki seri non o'no,\* miri kareta amon a'koka ton miripan yawon enton pe. <sup>4</sup> Miri a'tai, ukaramṁ'pṁ ipan pe, apṁne pṁra inṁ' ri wakṁ ka'pon e'seporo pṁra iyesi'pṁ a'koka ton miri awonsi'ki yawon enton. <sup>5</sup> Miri a'tai, tikin nan itepuru ton tonpa uya ta'pṁ upi', "Kakaramṁi. Enki! Moro rayan Isuta ko', Tepi' atṁ rṁ'pṁ uya iwapiya'kasa' man; kṁri ri uya si <sup>7</sup> kaisaron a'si'to' ike i'kwitṁ miri, miri awonsi'ki kareta amon a'koka iya," ta'pṁ iya.

<sup>6</sup> Miri a'tai, karimeru mṁre ene'pṁ uya. Iye'mṁ'sa'kasa' esi'pṁ apono' aporo' po, asakiri'nan kon ene amṁ' miri awonsi'ki itepuru ton esi'pṁ iwoi. Karimeru mṁre usene'pṁ iwisa' rṁ'pṁ pe, <sup>7</sup> kaisa ri iretṁ miri awonsi'ki <sup>7</sup> kaisa ri itenu ton esi'pṁ. Miri ton esi'pṁ <sup>7</sup> kaisaron kon Papa A'kwarṁ amṁ'† seri non emṁ' kaisa ri enno'sa' kon. <sup>7</sup> Iti'pṁ kareta amon mo'kai', apono' po iyereutasa' na'ne' emiya enwo'netṁ apai. <sup>8</sup> Miri kareta amon mo'ka iya a'tai, asakiri'nan kon ene amṁ' miri awonsi'ki <sup>24</sup> kaisaron kon itepuru ton e'sekunka'pṁ irakṁi'. Tanporo wai, a'pu tato' esa' pe to' esi'pṁ miri awonsi'ki to' pṁsawṁ ton korṁ pun konekasa' yau a'po'na' nan esi'pṁ. Miri esi' Papa munki amṁ' ipṁremasa' rṁ'pṁ. <sup>9</sup> To' userenka'pṁ emenna' eren pi':

---

\* **5:3** Seri non o'no; miri iyesi iyeri'sa' kon nono. (Apṁne Isenpoikasa' 1:18 enki.) **5:5** Iseneses 49:9; Aisaya 11:1, 10 † **5:6** <sup>7</sup> kaisaron Papa A'kwarṁ amṁ'; miri pe pṁra, <sup>7</sup> kaisaron iteseru Ita'kwarṁ. **5:6** Aisaya 53:7; Sakaraya 4:10 **5:8** Eren 141:2 **5:9** Eren 33:3; 98:1; Aisaya 42:10

“Wak<sub>u</sub> kuru imiri, kareta amon mo'kanin  
 miri awonsi'ki a'si'pi'sa' a'kokanin,  
 ap<sub>u</sub>ne p<sub>u</sub>ra iwisa' ru'p<sub>u</sub> pe iwesi,  
 miri awonsi'ki im<sub>u</sub>n<sub>u</sub> ke ka'pon am<sub>u</sub>' enna'p<sub>u</sub>  
 auya Papa iwano' pe,  
 tanporon kon ru'ko' ri, t<sub>u</sub>m<sub>u</sub>aimuron kon,  
 t<sub>u</sub>ponaron kon miri awonsi'ki t<sub>u</sub>p<sub>u</sub>ataron  
 kon ka'pon am<sub>u</sub>' koro'tapai.

10 To' konekasa' auya esa' wann<sub>i</sub> pe to' e'to' pe,  
 use'man nito' t<sub>u</sub>rawasomanin nan pe, itese'  
 pi' ina e'to' apiyo' pe,  
 miripan kon e'to' pe seri non esanon pe,”  
 tukai'.

11 Uyenu t<sub>u</sub>ru'p<sub>u</sub> uya, miri a'tai tu'kan kon  
 ni inser<sub>u</sub> am<sub>u</sub>' maimu eta'p<sub>u</sub> uya, tu'kan kon  
 ni, tu'kan kon ni, 1,000 kaisaron kon pona ri  
 1,000 e'to' airi, 10,000 ite'kwa ri 10,000 kaisaron  
 kon. To' e'soto'pi'sa' esi'p<sub>u</sub> apono' woi, ene am<sub>u</sub>'  
 miri awonsi'ki itepuru ton woi. 12 Miripan kon  
 userenka'p<sub>u</sub> eke pe:

“Wak<sub>u</sub> kuru karimeru m<sub>u</sub>re iwisa' ru'p<sub>u</sub> uya  
 t<sub>u</sub>pana'pano, timamin, t<sub>u</sub>pu'ket<sub>u</sub>, t<sub>u</sub>meruntir<sub>u</sub>,  
 t<sub>u</sub>namato', eke pe ti'tuto' miri awonsi'ki  
 tapuripi'to' eporo!”  
 tukai'.

13 Miri a'tai, tanporon kon ni Papa nakap<sub>u</sub>'san  
 maimu eta'p<sub>u</sub> uya Ep<sub>u</sub>n po, non po, non o'no,  
 parau kau, tanporon kon ni ka'tawon kon ni. To'  
 userenka'p<sub>u</sub>:

“Apono' po iyereutasa' na'ne' ri karimeru m<sub>u</sub>re  
 iwano' pe,



apuripi'to', inamoto', eke pe i'tuto' miri awonsi'ki  
 merunti nesii,  
 inke ri, inke ri!"  
 tukai'. <sup>14</sup> Asakiri'nan kon ene amu' uya eiku'pu,  
 "Amen!" Miri a'tai si, itepuru ton e'sekunka'pu  
 apuripi'se'na.

## 6

### *A'si'sa' Ton*

<sup>1</sup> Miri a'tai, karimeru mare uya 7 pan tonpa wapiyaro' a'si'sa' a'koka ene'pu uya. Miri a'tai, tikin ni asakiri'nan kon ene amu' tonpa usauroku eta'pu uya korume kasa, "Isi'ki!" tawon. <sup>2</sup> Uyenu taru'pu uya, aimu'nan kaware ene'pu uya urau. Ipo te'sen uya urapa a'sisa' esi'pu, aro', karon tato' ke to' uya irepa'pu, miripan uti'pu iwapiya'kanin ye' pe, iwapiya'kai'.

<sup>3</sup> Karimeru mare uya isakon pe te'sen a'si'sa' a'kokasa' a'tai, ene isakon uya, "Isi'ki!" ta eta'pu uya. <sup>4</sup> Taron ni kaware epa'ka'pu, isuweyu. Ipo te'sen kupu'pu to' uya pana' pe iye'to' pe, e'win nito' ku'to' pe iya seri non po tatonpa kon wito' pe ka'pon amu' uya miripan repa'pu to' uya eke supara ke.

<sup>5</sup> Karimeru mare uya itosoruwano pe te'sen a'si'sa' a'kokasa' a'tai, ene amu' osoruwano uya, "Isi'ki!" ta eta'pu uya. Miri yau, i'kuran kaware esi'pu. Ipo te'sen uya e'wemapi'nito' ipoi a'sisa' esi'pu tenau. <sup>6</sup> Miri a'tai, main waraino eta'pu uya kamoro asakiri'nan kon ene amu' koro'tau,

---

**6:2** Sakaraya 1:8; 6:3, 6  
 6:2, 6

**6:4** Sakaraya 1:8; 6:2

**6:5** Sakaraya

“Aiko iten yai p̄rowa,\* tikin nan w̄ai yau e'turawasoman nisa' epe'p̄a pe,† miri awonsi'ki osoruwau iten yai a'nai', pari tato' e'pasa' tikin nan w̄ai yau e'turawasoman nisa' epe'p̄a pe. E'tane karapa, are' miri awonsi'ki waain k̄a'ma'tan̄ak̄ai!” tawon.

<sup>7</sup> Karimeru m̄are uya isakiri'pano a'si'sa' a'kokasa' a'tai, ene am̄a' sakiri'pano uya, “Isi'ki!” ta eta'p̄a uya. <sup>8</sup> Miri yau, enki'siimu'nan kaware ene'p̄a uya urau. Ipo te'sen ese' esi'p̄a Eri'nito', miri awonsi'ki ekota'man nito', Etis‡ itese' esi'p̄a ite'ma'p̄a wini, a'ko pe. <sup>1</sup>/<sub>4</sub> pe non esa' pe to' e'to' pe, to' kup̄a'p̄a to' uya t̄awisen pe to' e'to' pe supara ke, iwankan ke, paran ke, miri awonsi'ki annin nan ene am̄a' ke.

<sup>9</sup> Karimeru m̄are uya 5 pe iku'nin a'si'sa' a'kokasa' a'tai, use'man nito' apon o'no ka'pon am̄a' a'kwar̄a ene'p̄a uya, iwipi'sa' kon Papa Maimu ekama to' uya pikiri miri awonsi'ki Papa nukup̄a'p̄a t̄api'nokon ekama pi' to' e'sa' pi'. <sup>10</sup> To' uki'pi'n̄anp̄ita'p̄a eke pe, “Merunti Itepuru, wak̄a imiri, miri awonsi'ki i'napairon! F̄ri a'tai non pon kon ka'pon am̄a' eseru aimenka auya miri awonsi'ki to' kota'mato' auya ina m̄an̄a wenai?”

<sup>11</sup> To' kaisa ri aimu'nan pon ke to' repap̄ita'p̄a, miripan kon auro'ka'p̄a mara ri to' enkurunto' pe t̄atonpa kon ipoitor̄a ton miri awonsi'ki t̄atonpa kon to' esi'p̄a kasa iw̄iton kon tu'kanoro e'seporo

\* **6:6** aiko pe p̄rowa—tikin ni koini' Kiri' maimu yau; 2 pon e'to' airi. † **6:6** tikin nan w̄ai yau e'turawasoman nisa' epe'p̄a pe —p̄arata pun, tenariyas itese' ‡ **6:8** Etis - Hades Enkeri'si maimu yau; iyeri'sa' kon nono. (Ap̄ane Isenpoikasa' 1:18 enki.) **6:8** Isi'kiyer̄a 14:21

pona ri.

<sup>12</sup> Miri a'tai, karimeru mare uya 6 pe iku'nin a'si'sa' a'koka ene'p<sub>u</sub> uya. Miri yau isi pe turu'p<sub>u</sub> esi'p<sub>u</sub>. Wu' enu ena'p<sub>u</sub> i'kurun pe, isa'ka'si atu kapirita i'po' ke ikonekasa' kasa, miri awonsi'ki tanporo kap<sub>u</sub> ena'p<sub>u</sub> isuweyu pe man kasa, <sup>13</sup> siriki am<sub>u</sub>' uta'pok<sub>u</sub>'p<sub>u</sub> ka' poi non pona, iyak<sub>u</sub>'p<sub>u</sub>sa' pen kiyari, pi' eperu a'pok<sub>u</sub> a'setun uya kasa. <sup>14</sup> Ka' p<sub>u</sub>ra iyena'p<sub>u</sub> kareta amon e'mepitu a'taino kasa, tanporo w<sub>u</sub>' am<sub>u</sub>' miri awonsi'ki opa'w<sub>u</sub> ton utamapitu'p<sub>u</sub> tupata'se' yawonsi'ki'ne.

<sup>15</sup> Miri a'tai si kin am<sub>u</sub>' non pon kon, itepuru am<sub>u</sub>', soisa epuru am<sub>u</sub>', ipurataaikena' ton, miri awonsi'ki eke ton, miri awonsi'ki tanporon kon ni poitor<sub>u</sub> ton miri awonsi'ki in<sub>u</sub>' enawon kon pen ni e'so'nanpitu'p<sub>u</sub> ti' euta na'ne' miri awonsi'ki w<sub>u</sub>' po te'san ti' o'koi'ne. <sup>16</sup> To' uki'pi'nunpitu'p<sub>u</sub> w<sub>u</sub>' miri awonsi'ki ti' am<sub>u</sub>' pi', "Ina pona ata'mo'ka', ina onanki kur<sub>i</sub> ri apono' po iyereutasa' na'ne' enu piyapai miri awonsi'ki karimeru mare uya kota'man nito' piyapai! <sup>17</sup> Ap<sub>u</sub>ne p<sub>u</sub>ra eke to' uya kota'man nito' weyu si seri yau man. In<sub>u</sub>' uya ken si a'kure'ti?" ta'p<sub>u</sub> to' uya.

## 7

### *144,000 Kaisaron Kon Esuwer<sub>u</sub> Ko' Am<sub>u</sub>'*

<sup>1</sup> Seri t<sub>u</sub>po, asakiri'nan kon inser<sub>u</sub> am<sub>u</sub>' ene'p<sub>u</sub> uya. To' e'm<sub>u</sub>'sa'kap<sub>i</sub>'sa' asakiri'nan non ekun

**6:11** 2 Estaras 4:36    **6:12** Aisaya 13:10; Isower<sub>u</sub> 2:10, 31; 3:15; Ma'siu 24:29; Ma' 13:24-25; Uru' 21:25; Isenpoikasa' 11:13; 16:18

**6:14** Aisaya 34:4    **6:14** Isenpoikasa' 16:20    **6:15** Aisaya 2:19, 21    **6:16** Oseyaya 10:8; Uru' 23:30    **6:17** Isower<sub>u</sub> 2:11; Mara'kai 3:2

airi'ne, asakiri'nan a'setun amu' a'si'pi'sa' to' uya esi'pu, non, parau miri awonsi'ki yai posi'ma iya namai'. <sup>2</sup> Miri a'tai, taron ni inseru uyepu ene'pu uya wai enu uye'to' winipai, Papa nurinan uya a'si'pi'nito' ike esa' pe, miripan uki'pi'nunpitu'pu eke pe asakiri'nan kon inseru amu' pana ya' Papa nurepa'san to' pana'pano ke non miri awonsi'ki parau kota'mato' pe to' uya. <sup>3</sup> Inseru uya ta'pu, "Non, parau, miri awonsi'ki yai ku'ma'tanu'tau Papa, itese' pi' ina e'to' poitoru ton ma'ku'i'tipitu' to' pee'pi pi'ne a'si'pi'to' ike ke ina uya pu'ku pona ri." <sup>4</sup> Kamoro Papa uya a'si'pi'nito' ike ke ima'ku'i'tipi'sa' kon to' pee'pi pi' tu'kanoro ekama'pu to' uya upi'. To' esi'pu 144,000 kaisa ri Esuweru pon kon. <sup>5</sup> 12,000 kaisa ri a'si'sa' kon esi'pu Isuta ko' amu', 12,000 kaisa ri Rupen ko' amu', 12,000 kaisa ri Kiyatu ko' amu', <sup>6</sup> 12,000 kaisa ri Aisaru ko' amu', 12,000 kaisa ri Na'tari ko' amu', 12,000 kaisa ri Mana'sa ko' amu', <sup>7</sup> 12,000 kaisa ri Simiyan ko' amu', 12,000 kaisa ri Ripai ko' amu', 12,000 kaisa ri E'sa'karu ko' amu', <sup>8</sup> 12,000 kaisa ri Sepuran ko' amu', 12,000 kaisa ri Isole' ko' amu', miri awonsi'ki 12,000 kaisa ri Pensiman ko' amu'.

### *Anpisin Ton Ka'pon Amu' Aimu'nan To' Pon Ton*

<sup>9</sup> Seri e'ma'pu pe, anpisin, anpisin pe kuru ri ka'pon amu' amurasa' ene'pu uya urau, inu' uya tanporo to' i'tu poken pu'ra ri. To' esi'pu taponaron kon ka'pon amu' pe'ne ri taron kon ko' pe ri, tapataron kon winipaino pe ri, miri awonsi'ki tumaimuron kon pe'ne ri to' esi'pu. To' e'mu'sa'kasa' esi'pu apono' piyau miri awonsi'ki

---

**7:1** Iseremaya 49:36; Taniyeru 7:2; Sakaraya 6:5      **7:3** Isi'kiyeru 9:4, 6

karimeru mure piyau. To' epontipi'sa' esi'pu aimu'nan ya', temiyatu kon yau'ne patawa ye' apimu ton a'sipi'sa' to' uya esi'pu. <sup>10</sup> Eke pe to' uki'pi'nunpitu'pu:

“Epika'tin nito' esi Papa, ina e'to' itese' pi' winipaino,

iyereutasa' na'ne' apono' po,

miri awonsi'ki karimeru mure winipaino,”

tukai'. <sup>11</sup> Tanporo inseru amu' e'mu'sa'ka'pu apono' woi, itepuru ton miri awonsi'ki asakiri'nan kon ene amu' woi. To' uta'mo'kapitu'pu temu' kon po apono' piyau, miripan kon uya Papa apuripitu'pu:

<sup>12</sup> “Amen!

Apuripi'to' miri awonsi'ki eke pe iku'to',

ipu'ketu, tenki tato', inamoto',

imeruntiru, ipana'pano

nesii Papa iwano' pe tiwiri ri.

Amen!”

ta'pu to' uya.

<sup>13</sup> Miri yau, tikin nan itepuru ton tonpa uya uyekama'po'pu, “Inu' yan pusamoro aimu'nan ya' to' epontipi'sa' na'ne' nan? Nai yawon kon uye'sa'?” ta'pu iya.

<sup>14</sup> “Mooi, mi'tuyai,” ta'pu uya ipi'.

“Pusamoro kamoro ekota'man nito' yai iyepa'kasa' kon, tapon kon korakasa' to' uya aimu'ne'ne karimeru mure manu ke. <sup>15</sup> Miri pe iyese pi',

“Papa apon piyau to' esi miri,

to' esi i'se iye'to' kupu pi' wai nai miri  
awonsi'ki ewarupi nau, ipi' ipareman nito',  
use'man nito' iwai' tau;  
kuri ri apono' po iyereutasa' na'ne' uko'manto'  
oton to' pokon pe.

<sup>16</sup> Seri tupo, iwan pe miri awonsi'ki tuna'kiri' ke to'  
enato' oton pen,

wai enu miri pe para a'ne' pe te'sen uya to'  
kota'mato' oton pen,

<sup>17</sup> apune para karimeru mare apono' aporo' po  
na'ne' e'to' oton to' esa' pe,

to' ato' iya oton to' panu'nin non yai tepa'kasen  
tuna ka'.

Miri awonsi'ki Papa uya to' enu paru a'munakato'  
oton,"

ta'pu iya.

## 8

### *7 Pe Iku'nin A'si'sa'*

<sup>1</sup> Karimeru mare uya 7 pe iku'nin a'si'sa'  
a'kokasa' a'tai, e'pana Epan e'paka'sa' esi'pu  
a'sa'mayai kura' emiya era'tito' airi ri. <sup>2</sup> Miri tupo 7  
kaisari inseru amu' e'mu'sa'kasa' ene'pu uya Papa  
rau, miripan kon repa'pu 7 kaisari taronpi' ke.

<sup>3</sup> Taron ni inseru, koru pun konekasa' a'po'nan  
yen esa' uyee'pu, miripan e'mu'sa'ka'pu use'man  
nito' apon piyau. Eke pe a'po'nan ke irepa'pu  
tanporon Papa munki amu' iparema piri'nin pe  
iye'to' pe, miripan po'tito' pe koru pun konekasa'  
use'man nito' apon po apono' piyau te'sen.

<sup>4</sup> A'po'nan epo'ti kirisin enuku'pu, Papa munki

amꞰ' ipꞰrema pokon pe, Papa rakꞰi', inserꞰ emiya apai. <sup>5</sup> Miri tꞰpo inserꞰ uya a'po'nan yen anꞰmꞰ'pꞰ miripan uya apo' use'man nito' apon pon emaika'pꞰ iya', miripan eno'ma'pꞰ iya non pona. KorꞰme e'toi'pꞰtꞰ esi'pꞰ, ta'merunsen esi'pꞰ, kamiri' e'weuweuma'pꞰ, miri awonsi'ki tꞰrꞰ'pꞰꞰ esi'pꞰ.

### *TꞰronpi' AmꞰ'*

<sup>6</sup> Kamoro si 7 pan kon inserꞰ amꞰ' 7 kaisaron tꞰronpi' esanon e'kama'pꞰ iturunpato' pe tꞰuya'nokon.

<sup>7</sup> Wapiyaro' inserꞰ uya tꞰwaai turunpa'pꞰ. Miri a'tai tuna ti'mooi ton miri awonsi'ki apo' e'sumasa' mꞰn pokon pe uta'pokꞰ'pꞰ non pona. Miri yau ipꞰ'kꞰ pe ri, ½ e'to' airi non epo'ti'pꞰ miri awonsi'ki ipꞰ'kꞰ pe ri, ½ e'to' airi ri yu' epo'ti'pꞰ tanporo ri isenan ni wana' epo'ti'pꞰ.

<sup>8</sup> Itisakon nꞰ'pꞰ uya tꞰwaai turunpa'pꞰ. Miri a'tai, eke wꞰ' waraino epo'ti apo' ke eno'ma'pꞰ to' uya parau ka'. IpꞰ'kꞰ pe ri, ½ e'to' airi parau ena'pꞰ mꞰn pe. <sup>9</sup> Miri a'tai, itonpa pe ri, ½ e'to' airi ri parau kau te'san eri'pꞰtꞰ'pꞰ, miri awonsi'ki itonpa pe ri, ½ e'to' airi ri kanau epotorꞰ'pꞰ ton uma'ta'pꞰ.

<sup>10</sup> ItosorꞰwano rꞰ'pꞰ uya tꞰwaai turunpa'pꞰ. Miri a'tai, eke siriki epo'tisa' ta'surai' kasa uta'mo'ka'pꞰ ka' ponsi'ki tuna tꞰu'tisen ton tonpa ka', ½ e'to' airi miri awonsi'ki non yai tepa'kasen tuna ton ka'ne. <sup>11</sup> Siriki ese' esi I'ne'.\* Tuna tonpa,

---

**8:5** E'sotas 19:16; Ripaiti'kas 16:12; Isi'kiyerꞰ 10:2; Isenpoikasa' 11:19; 16:18    **8:6** Ipu'ketꞰ 11:5—12:2    **8:7** E'sotas 9:23-25; Isi'kiyerꞰ 38:22    **8:10** Aisaya 14:12    \* **8:11** I'ne'—itese' esi'pꞰ Wormwood.

½ e'to' airi ena'pɛ i'ne' pe. Miri tensise tu'kan kon ka'pon amɛ' eri'pɛtɛ'pɛ, apɛne pɛra i'ne' pe tuna enasa'ke.

<sup>12</sup> Miri tɛpo to' asakiri'pano uya tɛwaai turunpa'pɛ. Miri a'tai, ½ e'to' airi wɛi enu pɛ'kɛ, ½ e'to' airi kapɛi pɛ'kɛ miri awonsi'ki ½ e'to' airi siriki amɛ' tonpa ton e'wini'pɛ, ½ e'to' airi ri. A'kwa pe iye'to' pɛra to' esi'pɛ, miri awonsi'ki ½ e'to' airi wɛi naino pɛ'kɛ esi'pɛ iweyu pɛra, ½ e'to' airi kanan ewarupi pɛ'kɛ.

<sup>13</sup> Uyenu tɛrɛ'pɛ uya, miri yau imisimi arinta ka'tau maimu eta'pɛ uya, eke pe, “Isi' kusa! Isi' kusa! Isi pe iyese kamoro moro non po na'ne' nan pona, tɛronpi' uturumɛ useta a'tai osorɛwawon kon inserɛ amɛ' ne'kamayai'ne' iturunpa pi!” tawon.

## 9

### *5 Pe Inserɛ Amɛ' Ku'nin*

<sup>1</sup> Miri a'tai, 5 pe to' ku'nin inserɛ uya tɛronpi' turunpa'pɛ. Siriki ka' poi ita'mo'kasa' rɛ'pɛ non pona ene'pɛ uya; irepa'pɛ iya'mu pɛn iteuta\* a'kokato' ike ki ke. <sup>2</sup> Iteuta a'koka iya a'tai, ikirisin epa'ka'pɛ iyapai, eke apo' epo'tito' en yapai ikirisin epa'ka'kasa, wɛi enu miri awonsi'ki ka' ena'pɛ ewarupi pe iteuta kirisin ke. <sup>3</sup> Kairau amɛ' u'ti'pɛ ikirisin koro'tau non pona, miripan kon upana'panta'pɛ mini' amɛ' pana'pano kasa.

**8:11** Iseremaya 9:15    **8:12** Aisaya 13:10; Isi'kiyerɛ 32:7; Isowerɛ 2:10, 31; 3:15    \* **9:1** iya'mu pɛn iteuta; Apis—pata non a'mu yawon, ɛri a'kwarɛ ton a'sito' ya' to' kota'mato' u'matɛ pɛ'kɛ pona.

**9:2** Iseneses 19:28; 2 Estɛras 7:36    **9:3** E'sotas 10:12-15; Ipu'ketɛ 16:9



4 To' auro'ka'pɛ to' uya non pon wana' miri pe pɛra ti'tui' pɛra ri yɛi muku'pi, miri pe pɛra yɛi ma'tanɛkɛ to' uya namai', e'tane ka'pon amɛ' riken, Papa ma'kɛɛi a'si'sa' pɛra na'ne' nan to' pee'pi pi'. 5 Kairau amɛ' uya ka'pon amɛ' eri'nu'kapitɛ namai' to' e'kupɛ'pɛ e'tane to' kota'mato' pe riken 5 kaisa ri kapɛi pɛ'kɛ pona ri. Miri si e'ne' e'to' pe mini' uya ka'pon si'posa' a'taino kasa. 6 Miri 5 kaisaron kapɛi koro'tau uma'tan nito' warinpatto' oton ka'pon amɛ' uya, e'tane to' uya epoto' oton pen; eri'pai to' e'tane, uma'tan nito' utipi'to' oton to' piyapai.

7 Kairau amɛ' usene'pɛ kaware amɛ' e'kamasa' te'wito' kon pe a'taino kasa, to' i'pai po'ne korɛ pun konekasa' waraino aro', kɛron tato' amɛ' esi'pɛ, miri awonsi'ki to' emɛ' usene'pɛ ka'pon amɛ' emɛ' kasa. 8 To' i'pai i'po' esi'pɛ uri'san amɛ' inse' kasa, to' yi esi'pɛ rayan yi kasa. 9 To' pɛropo nɛpon usene'pɛ wa'ka pun kasa, miri awonsi'ki to' apiri useta'pɛ kaware amɛ' uya tararan pi'sikɛ a'merumɛ isewa'nomase'na to' uti a'taino kasa. 10 Taukɛ ke'ne to' esi'pɛ, si'pon nito' ike ipi'ne mini' kasa. To' aukɛ yau to' pana'pano esi'pɛ ka'pon amɛ' kota'mato' to' uya ike 5 kaisa ri kapɛi yau. 11 Tepuru kon pe kin pe, iya'mu pɛn iteuta inserɛɛi ku'sa' to' uya esi'pɛ. Itese' Ipuru amɛ' maimu yau "Apatan," miri awonsi'ki Kiri' amɛ' maimu yau "A'poriyon".†

12 Tikin ni isi, nari' kuru utika'sa' miri; miri

---

9:4 Isi'kiyerɛ 9:4 9:6 Isopu 3:21; Iseremaya 8:3 9:7 Isowerɛ 2:4 9:8 Isowerɛ 1:6 9:9 Isowerɛ 2:5 † 9:11 Apatan miri awonsi'ki A'poriyon; Ma'tanɛ'nin ta e'kwa pe.

e'ma'pɥ pe asa'ri isi, nari' ton kuru tɥuye'ton e'ku'sa'.

<sup>13</sup> Miri tɥpo, 6 pe to' ku'nin inserɥ uya tɥronpi' turunpa'pɥ. Main eta'pɥ uya korɥ pun konekasa' use'man nito' apon ekun retɥ poi Papa piyau te'sen winipai. <sup>14</sup> Main uya ta'pɥ tɥronpi' turunpanin nɥ'pɥ inserɥ pi', "Kamoro asakiri'nan kon inserɥ amɥ' arankapi'ki eke tuna tɥu'tisen Yu'pɥretes itese' piyau auronpi'sa' kon." <sup>15</sup> Asakiri'nan kon inserɥ amɥ' eukapitɥ'pɥ iya, to' e'kamasa' esi'pɥ seri a'taino pe, seri wɥi a'tai, seri kapɥi pi', miri awonsi'ki seri wɥipiya pi', itonpa pe ri, ½ e'to' airi ka'pon amɥ' tɥ'kato' pe to' uya. <sup>16</sup> Kaware pon kon soisa amɥ' tu'kanoro eta'pɥ uya, 200 meriyan kaisa ri to' esi'pɥ.

<sup>17</sup> Kaware amɥ' miri awonsi'ki to' pon kon ene'pɥ uya, to' pɥropo nɥpon esi'pɥ isuweyu pe apo' kasa, miri awonsi'ki tɥtarire, miri awonsi'ki kara'kwa' pe, sorɥ'pa tato' kasa. Kaware amɥ' i'pai esi'pɥ rayan amɥ' i'pai kasa, to' mɥta yai apo', ikirisin miri awonsi'ki sorɥ'pa epa'ka'pɥ. <sup>18</sup> Itonpa pe ri, ½ e'to' airi ka'pon amɥ' wini'pɥ miri osorɥwawon paran; apo', ikirisin miri awonsi'ki sorɥ'pa kaware amɥ' mɥta yai tepa'kasen uya. <sup>19</sup> Kaware amɥ' pana'pano esi'pɥ to' mɥta yau miri awonsi'ki to' aukɥ yau. To' aukɥ esi'pɥ ikɥi kasa ti'pai ke, miripan kon uya ka'pon amɥ' i'kapitɥ'pɥ.

<sup>20</sup> Ka'pon amɥ' tonpa'san miri paran nɥwini'san pen era'ti pɥra iyesi'pɥ tɥnkoneka'pɥ kon piya-pai. Makoi amɥ' miri awonsi'ki korɥ ka'sa', sirɥpa ka'sa', karukuri ka'sa', ti' ka'sa' miri awonsi'ki yɥi konekasa' apurito' tɥuya'nokon ereutanɥkɥ to'

uya p̄ra iyesi'p̄—ennin pen, etanin pen, miri awonsi'ki t̄usasen pen. <sup>21</sup> M̄ri awonsi'ki te'w̄ito' kon, enwoke' pe te'to' kon, tekumato' kon, miri pe p̄ra ama' pe te'to' kon apai to' era'ti p̄ra iyesi'p̄.

## 10

### *Inser̄ M̄ri Awonsi'ki Kareta Amon*

<sup>1</sup> M̄ri a'tai, t̄ron ni eke inser̄ u'ti ene'p̄ uya Ep̄n winipai. Iyepontisa' esi'p̄ kapuru' ya', miri awonsi'ki ik̄imi esi'p̄ i'pai epoi, item̄ esi'p̄ w̄i enu kasa, miri awonsi'ki i'si ton esi'p̄ apo' tepo'tisen esi ipiyaino ton kasa. <sup>2</sup> Aiko kareta amon a'kokasa' esi'p̄ itenau. Enwo'ne' winon ti'ta nonkasa' iya esi'p̄ parau po, miri awonsi'ki kami' winon ti'ta nonkasa' iya esi'p̄ non pona. <sup>3</sup> M̄ri yau eke pe ik̄ipi'n̄m̄'p̄ rayan kasa. Ik̄ipi'n̄ansa' a'tai, 7 kaisaron kon kor̄me am̄' usaurok̄'p̄. <sup>4</sup> To' usaurok̄ a'tai, imenuka pi' e'kama'p̄, e'tane main eta'p̄ uya Ep̄n winipaino, “Ama' pe seri 7 kaisaron kon kor̄me am̄' usauro'sa' r̄'p̄ iku'ki, k̄'menukai,” tawon.

<sup>5</sup> M̄ri a'tai, parau po miri awonsi'ki non po iye'm̄'sa'kasa' unene'p̄ inser̄ uya enwo'ne' winon temiyat̄ inka'p̄ Ep̄n winik̄i'. <sup>6</sup> Isaurok̄'p̄ Papa ese' yau, inke ri t̄uko'mansen, Ep̄n konekanin n̄'p̄ miri awonsi'ki tanporo iyau te'sen, non konekanin n̄'p̄ miri awonsi'ki tanporo ipo te'sen miri awonsi'ki parau miri awonsi'ki tanporo ikau te'san, “Iyenkurunto' p̄ra man!” ta'p̄ inser̄ uya. <sup>7</sup> E'tane 7 pe te'sen inser̄ uya t̄ronpi' turunpa a'tai, Papa uya ama' pe

te'ku'to' ku'to' oton, tupoitoru ton, pu'kena' amu' pi' ekama'pu tuya kasa ri.

<sup>8</sup> Main, uneta'pu Epun winipai uya kanan uyauro'kaka'pu, "Enta miri kareta amon imo'ka ta inseru enapai kuri ri parau miri awonsi'ki non po iye'mu'sa'kasa' na'ne'," tawon.

<sup>9</sup> Inseru piya' uti'pu, miripan ekama'po'pu uya aiko kareta amon tuto' pe iya uyena', "Uyenapai imo'ka," ta'pu iya upi'. "Fi'ki! Kata' pe iyena miri iyewan yau, e'tane a'se'ku pe iyese miri anta yau, teusan kasa," ta'pu iya. <sup>10</sup> Aiko kareta amon mo'ka'pu uya inseru enapai, miripan iku'pu uya. A'se'ku pe iye'sonpa'pu unta yau, teusan kasa, e'tane enko'ma uya tupo, kata' pe uyewan yau iyena'pu. <sup>11</sup> Miri a'tai, upi' ta'pu, "Papa Maimu ekama'ki kanan tu'kan kon ka'pon amu' taponaron kon pi', tapataron kon pi', tumaimuron kon pi' miri awonsi'ki kin amu' pi'," tukai'.

## 11

### *Asa'ron Kon Ekamanin Nan*

<sup>1</sup> I'tuto' yui ke urepa'pu. Miri yau, main eta'pu uya, "Enta Papa ena' use'man nito' iwu' miri awonsi'ki use'man nito' apon, miri awonsi'ki itau twipuremasan tu'kanoro mi'tui'," tawon.

<sup>2</sup> "Ipurorooi riken kusi'tui, apune pura Esuweru amu' pen ena' iye'tusa' miri, miripan kon uya Waku Pata\* wasa'pi'to' oton 42 kaisa ri kapai yau. <sup>3</sup> Asa'ron kon uyekamanin nan enno'to' uya

**10:7** E'sotas 20:11; Isu'taronomi 32:40; Taniyeru 12:7; Emas 3:7

**10:10** Isi'kiyeru 2:8—3:3    **11:1** Isi'kiyeru 40:3; Sakaraya 2:1-2

\* **11:2** Waku Pata - Seri seri esi Surusiran ekamanin pe.    **11:2** Uru' 21:24

oton pon isa'ka'si ya' to' epontipi'sa', miripan kon usauro'to' oton pu'kena' amu' pe 1,260 kaisa ri wui." <sup>4</sup> Asa'ron kon uyekamanin nan esi miri asa'ron are' e' miri awonsi'ki asa'ron raan'pu amu', Itepuru, non esa' piyau te'san. <sup>5</sup> Inu' ri esi to' ma'tanuku i'se a'tai, apo' epa'ka miri to' mata yai to' eyaton non ma'tanu'se'na. Seru kasa inu' ri to' anma'tanu'paino neriku. <sup>6</sup> To' pana'pano e'to' oton ka' a'konin pe tuna uyepu namai' Papa Maimu ekama pi' to' esi koro'tau. To' meruntiru e'to' oton tuna ra'tinin pe man pe, miri awonsi'ki non pona ti'tui' para ri paran ne'to' oton to' uya inke i'se te'to' kon awiri ri.

<sup>7</sup> Unkupru ekama to' uya u'ma'sa' a'tai, ene, iya'mu pan iteuta yapai iyepa'kasa' uya to' ewa'nomato' oton. To' entai iye'to' oton, miripan uya to' wito' oton. <sup>8</sup> To' ekepu nonkasa' e'to' oton eke pata e'ma tau, kurusu' pona tepuru kon pokapituru yau. Miri pata ese' ekamanin pe to' nesakuru esi Satan miri awonsi'ki Isi'. <sup>9</sup> Ka'pon amu', tanporo taponaron kon, ruko' amu', tumaimuron kon miri awonsi'ki tapataron kon koro'tapaino kon uya to' ekepu enpi'to' oton osoruwau wui miri awonsi'ki pure'po'si puku pona iyema'sa' yau, to' ekepu u'na'ti to' uya i'se para to' e'to' oton. <sup>10</sup> Ka'pon amu' non pon kon e'to' oton pori' pe pumamoro asa'ron kon eri'sa' pi'. To' uta're'tipi'to' oton miri awonsi'ki tatonpa kon amu' repapi'to' oton to' uya, apane para kamoro asa'ron kon pu'kena' amu' uya isi ne'sa' pi' ka'pon

---

**11:4** Sakaraya 4:3, 11-14    **11:6** E'sotas 7:17-19; 1 Sanweru 4:8; 1 Kin Amu' 17:1    **11:7** Taniyeru 7:7, 21; Isenpoikasa' 13:5-7; 17:8

**11:8** Aisaya 1:9-10

amꞫ' pona.

<sup>11</sup> OsorꞫwau wai miri awonsi'ki pꞫre'po'si pꞫ'kꞫ pona iyese tꞫpo, use'netu'kan nito' uyee'pꞫ Papa winipai, miripan ewomꞫ'pꞫ to' ya', miripan kon e'mꞫ'sa'ka'pꞫ. Tanporon kon to' ennin nꞫ'san usi'nꞫkꞫ'pꞫ ipan pe. <sup>12</sup> Miri a'tai, asa'ron kon pu'kena' amꞫ' uya main eta'pꞫ EpꞫn winipaino, "Isi'ti' seri ya'," tawon. To' eyaton non uya to' enpitꞫ koro'tau, to' enuku'pꞫ EpꞫn pona kapuru' yau.

<sup>13</sup> Miri a'tai kuru ri, isi pe tarꞫ'pꞫnꞫ esi'pꞫ. 1/10 kaisa ri eke pata uta'morꞫka'pꞫ, miri awonsi'ki 7,000 kaisa ri ka'pon amꞫ' wini'pꞫ tarꞫ'pꞫnꞫ uya. Ka'pon amꞫ' tonpa'san enari'nꞫmꞫ'pꞫ ipan pe, miripan kon uya eke pe Papa, EpꞫn pon e'to' apuripitꞫ'pꞫ.

<sup>14</sup> Itisakon isi, nari' kuru utika'sa' e'tane; enki, itosorꞫwano rꞫ'pꞫ isi, nari' kuru uye'ni pi' man seri pe ri mari.

### *7 Pe Iku'nin TꞫronpi'*

<sup>15</sup> 7 pe inserꞫ amꞫ' ku'nin uya wai, tꞫronpi' turunpa'pꞫ. Miri yau, eke pe main useta'pꞫ EpꞫn po:

“Seri non esa' pe Itepuru miri awonsi'ki Kurai esi weyu e'seposa' man, miripan uko'manto' oton itesa' pe inke ri, inke ri,”

tawon. <sup>16</sup> Miri a'tai 24 kaisaron kon itepuru ton tapon kon po iyereutasa' kon Papa piyau

---

**11:11** Isi'kiyerꞫ 37:10

**11:12** 2 Kin AmꞫ' 2:11

**11:13**

Isenpoikasa' 6:12; 16:18

**11:15** E'sotas 15:18; TaniyerꞫ 2:44; 7:14,

uta'mo'ka'p<sub>u</sub> tem<sub>u</sub>' kon po, miripan kon uya Papa apuripit<sub>u</sub>'p<sub>u</sub>. <sup>17</sup> Se kasa ta'p<sub>u</sub> to' uya:

“Itepuru Papa Merunti pe kuru te'sen ye', moro na'ne', moro iye'sa' ru'p<sub>u</sub>;

tenki ta pi' ina man

apana'pano apurisa' auya pi',

miri awonsi'ki esa' pe iwesi pa iye'sara'tisa' pi'.

<sup>18</sup> T<sub>u</sub>pataron kon ka'pon am<sub>u</sub>' usakorotasa';

kota'man nito' auya weyu e'seposa' pi',

miri awonsi'ki iyeri'pi'sa' kon eseru aimenkato' auya.

Ipoitor<sub>u</sub> ton pu'kena' ton e'mato' auya weyu e'seposa',

miri awonsi'ki wak<sub>u</sub> ton ipoitor<sub>u</sub> ton miri

awonsi'ki kamoro iyese' namanin nan, eke

ton miri awonsi'ki aiko ton,

kamoro non ma'tan<sub>u</sub>'nin n<sub>u</sub>'san ma'tan<sub>u</sub>'to' auya pe man,”

ta'p<sub>u</sub> to' uya.

<sup>19</sup> Papa ena' use'man nito' iw<sub>u</sub>' uta'koka'p<sub>u</sub> Ep<sub>u</sub>n po, miri awonsi'ki ekonekan nisa' en<sup>†</sup> usene'p<sub>u</sub> miri tau. Miri yau, kamiri' esi'p<sub>u</sub>, ta'merunsen esi'p<sub>u</sub>, kor<sub>u</sub>me e'toi'pit<sub>u</sub> esi'p<sub>u</sub>, taru'p<sub>u</sub>n<sub>u</sub> miri awonsi'ki eke pe tuna ti'mooi ton uta'pok<sub>u</sub> esi'p<sub>u</sub>.

## 12

### *Uri'san Miri Awonsi'ki Urupere*

<sup>1</sup> Eke i'tuto' ipikiri usenpoika'p<sub>u</sub> ka' yau: Uri'san epontisa' esi'p<sub>u</sub> w<sub>u</sub>i enu ke, kap<sub>u</sub>i esi'p<sub>u</sub> i'ta o'no,

---

**11:18** Eren 2:5; 110:5; 115:13    † **11:19** ekonekan nisa' en - ark of the covenant ta e'kwa pe. Seri esi'p<sub>u</sub> 10 apiyontito' en miri awonsi'ki Papa esi se yau tato' ekamanin pe.    **11:19** 2 Ma'kapis 2:4-8; Isenpoikasa' 8:5; 16:18, 21

miri awonsi'ki 12 kaisaron kon siriki amu' aro', karon tato' esi'pu i'pai po. <sup>2</sup> Seri pe ri iyentu esi'pu, te'tinkasa' pi' iki'pi'nunpitu'pu. <sup>3</sup> Taron ni i'tuto' ipikiri usenpoika'pu ka' yau: Eke kuru, isuweyu urupere esi'pu 7 kaisaron i'pai miri awonsi'ki 10 kaisaron iretu ton amu' miri awonsi'ki 7 kaisaron aro', karon tato' esi'pu i'pai po'ne. <sup>4</sup> Tauku ke ½ kaisa ri siriki amu' tonpa mo'ka'pu iya ka' poi, miripan kon eno'ma'pu iya non pona. Iye'mu'sa'kasa' esi'pu uri'san tentusen rau, imare anto' pe tauya iyentusa' a'tai. <sup>5</sup> Miripan entu'pu warawo' pe, tanporon pata esa' pe te'ton wa'ka pun itii pe. Imare anamu'pu, miripan ari'pu Papa miri awonsi'ki iyapon piya'. <sup>6</sup> Uri'san ainamu'pu rimono' ta', Papa nukoneka'pu ipata'se' pe. Miri yau imainanpato' pe 1,260 kaisa ri wui pu'ku pona ri.

<sup>7</sup> Usewa'noman esi'pu Epan po. Maikaru miri awonsi'ki itinseruui amu' uya urupere ewa'noma'pu, miripan kon ewa'noma'pu urupere miri awonsi'ki itinseruui ton uya. <sup>8</sup> E'tane pana' pe kuru para ri iyesi'pu, miripan kon pata para iyena'pu Epan po. <sup>9</sup> Kuri ri si eke urupere eno'ma'pu—kuri ri si penaro' ikui, Makoi, miri pe para Se'tan\* itese', tanporo seri non ano'manin. Seri non pona eno'ma'pu tanporo itinseruui amu' pokon pe. <sup>10</sup> Miri a'tai, eke main eta'pu uya Epan po, se kasa tawon:

“Seri si Papa uya pika'tin nito' uye'sa' man, Papa

---

**12:3** Taniyeru 7:7    **12:4** Taniyeru 8:10    **12:5** Eren 2:9; Aisaya 66:7    **12:7** Taniyeru 10:13, 21; 12:1; Isutu 9    \* **12:9** Se'tan - Makoi ese' isakon, Papa eseru ewaruma'tinin ta e'kwa pe.    **12:9** Iseneses 3:1; Uru' 10:18



uya tɔpana'pano enpoikasa' kin pe te'to'.  
 Pana' pe te'to' enpoikasa' Inanɔmɔ'pɔ, Kɔrai  
 uya.

Utonpa kon amɔ' sapema pi' te'sen,  
 Papa piyawonsi'ki to' sapema pi' wɔi miri  
 awonsi'ki ewarupi kaisa ri  
 eno'masa' man Epɔn poi.

<sup>11</sup> Utonpa kon uya entakasa'  
 karimeru mɔre mɔnɔ ke  
 miri awonsi'ki i'napairon to' nekamanɔ ke,  
 miripan kon uya tɔuko'manto' kon tɔrɔ'pɔ  
 tɔusi'nɔmai' pɔra tɔuma'tato' kon pe.

<sup>12</sup> Miri pe iyese pi', pori' pe e'ti', Epɔn amɔ'  
 miri awonsi'ki iyau te'san!

E'tane isi, nari' yau kuru me'atɔi' non miri  
 awonsi'ki parau,  
 apɔne pɔra Makoi u'tisa' pi' ipiya'nokon,  
 miripan usakorotasa',  
 apɔne pɔra a'ko pe tɔweyu enasa' i'tu tɔuya  
 pi',”  
 tawon.

<sup>13</sup> Non pona teno'masa' i'tusa' tɔuya a'tai,  
 urupere e'sara'ti'pɔ uri'san, warawo' pe iyentusa'  
 rɔ'pɔ e'ma'pɔka pi'. <sup>14</sup> E'tane eke imisimi apiri  
 ke uri'san repa'pɔ iyarintato' pe ipata'se' pe  
 ikonekasa' ya' rimono' ta'. Miri yau iko'manto'  
 pe osorɔwau wɔipiya miri awonsi'ki 6 kaisa  
 ri kapɔi pɔ'kɔ pona, urupere uya eporo poken  
 pɔra. <sup>15</sup> Miri a'tai, urupere uya tuna enpa'ka'pɔ  
 tɔnta yapai, eke tuna tɔu'tisen pe uri'san e'ma'pɔ  
 wini, siya ri uri'san ato' pe iya. <sup>16</sup> E'tane non uya  
 uri'san pika'ti'pɔ, tɔnta kari'ma'pɔ iya, miripan

uya tuna tɔu'tisen, urupere mɔta yapai tepa'kasen enko'ma'pɔ. <sup>17</sup> Urupere usakorotasa' esi'pɔ uri'san pi', miripan uti'pɔ ipayan ton panta'mase'na tanporo Papa Maimu apurinin nan miri awonsi'ki wakɔ pe te'san i'napairon Sises nenpoika'pɔ awiri. <sup>18</sup> Urupere e'mɔ'sa'kasa' esi'pɔ† parau e'pi po.

## 13

### *Ene Parau Kapaino*

<sup>1</sup> Miri tɔpo, ene usenpo ene'pɔ uya parau kapai. 10 kaisa ri iretɔ amɔ' esi'pɔ miri awonsi'ki 7 kaisa ri i'pai amɔ', 10 kaisa ri aro', kɔron tato' amɔ' esi'pɔ iretɔ po'ne, miri awonsi'ki Papa sapemato' ese' ton e'menukasa' esi'pɔ i'pai pi'ne. <sup>2</sup> Kɔri ri ene unene'pɔ esi'pɔ kaikusi kasa, i'ta amɔ' esi'pɔ ene, perɔ tato' i'ta kasa'ne, miri awonsi'ki inta esi'pɔ rayan mɔta kasa. Urupere uya ene repa'pɔ tɔpana'pano ke tapon ke miri awonsi'ki eke pe te'to' ike, ke. <sup>3</sup> Tikin ni ene i'pai tonpa kuntipi'sa' isi pe poken isene'pɔ, e'tane isepi'tisa' esi'pɔ. Tanporo non usewansiuka'pɔ miripan kon uti'pɔ ene pikiri. <sup>4</sup> Tanporon kon ka'pon amɔ' uya urupere apuripitɔ'pɔ apɔne pɔra eke pe te'to' tɔsa' iya pi' ene ena'. Ene kanan apuripitɔ'pɔ to' uya, “Inɔ' nai ene waraino? Inɔ' uya ipanta'ma?” tai'ma.

<sup>5</sup> Ene repasa' esi'pɔ mi pe te'to' yau isauro'to' pe, Papa sapema pe ri, miri awonsi'ki eke pe te'to' yau ri iye'to' pe 42 kaisa ri kapɔi yau. <sup>6</sup> Papa sapema pe iye'sara'ti'pɔ; itese', ipata iko'manto'

---

† **12:18** Urupere e'mɔ'sa'kasa' esi'pɔ; Tɔron ni ton emen imenukasa' yau, E'mɔ'sa'kasa' esi'pɔ **13:1** Taniyerɔ 7:3; 2 Estɔras 11:1; Isenpoikasa' 17:3, 7-12 **13:2** Taniyerɔ 7:4-6

yau miri awonsi'ki tanporo ri Epun po te'san pi' iri pe isauroku'pu. <sup>7</sup> Papa munki amu' ewa'nomato' pe iya irepasa' esi'pu to' entai iye'to' pe, miri awonsi'ki eke pe iye'to' ke irepasa' esi'pu tanporo ri iruko' amu', taponaron kon, tumaimuron kon, tūpataron kon epoi iye'to' pe. <sup>8</sup> Tanporon kon non pon kon uya ene apuripi'to' oton—tanporon kon itese' para na'ne' nan non e'kaa'pu awonsi'ki tūuko'mansan ese' apon kareta pi', karimeru mare, iwisa' ru'pu iwano' pi'.\* <sup>9</sup> Kuri tūpana ke na'ne', tiwi netai.

<sup>10</sup> Kamoro ta'sisan pe te'san,

a'sito' oton kuru ri,

miri awonsi'ki kamoro supara ke tūwisan†

wito' oton kuru ri supara ke.

Seri esi Papa munki amu' esi tūuseta'kai' para imoronkanin nan pe miri awonsi'ki iyawiron kon pe to' esi i'se.

### *Ene Non Apaino*

<sup>11</sup> Miri tūpo, tūron ni ene epa'ka non yapai ene'pu uya. Asa'ri iretu amu' esi'pu karimeru mare retu kasa, e'tane isauroku'pu urupere kasa.

<sup>12</sup> Miripan uya eke tūpana'pano wapiyaro' ene wini tūneporo'pu apurip'pu eke ton kupu pi'. Non miri awonsi'ki tanporo iyau te'san apiyo'ma'pu

---

**13:6** Taniyeru 7:8, 25; 11:36      **13:7** Taniyeru 7:21      \* **13:8** tanporon kon itese' para na'ne' nan non e'kaa'pu awonsi'ki tūuko'mansan ese' apon kareta pi', karimeru mare, iwisa' ru'pu iwano' pi'; miri pe para, iye'menukasa' ru'pu ora e'kaa'pu si'kiri uko'man nito' karetaai pi' karimeru mare iwisa' ru'pu iwano' pi'.

**13:8** Eren 69:28      † **13:10** Tūron ni imenukasa' yau, supara ke te'wisani; miri pe para, supara ke wisani tawon esi.      **13:10** Iseremaya 15:2; 43:11

iya wapiyaro' ene ikuntipi'sa' usepi'tisa' ru'pu apuripi'to' pe to' uya. <sup>13</sup> Puse ri ene isakon uya eke tatarawasooi ton kupu'pu, apo' nu'ti'pu iya Epu winipai non pona ka'pon amu' uya entane. <sup>14</sup> Tanporo ka'pon amu' non po te'san enku'ti'pu iya, apune pu'a i'tuto' ipikiri tuku'se wapiyaro' ene iwano' pe. To' apiyo'ma'pu iya ikuntipi'sa' ru'pu ene supara ke usepi'tisa', miripan uko'mamu namato' ipi' pe, ipe ika'to' pe to' uya. <sup>15</sup> Ene isakon use'netu'kato' pe wapiyaro' ene kasa ika'sa' ya' to' uya iku'sa' esi'pu tausau'ro'sen pe iye'to' pe, miri awonsi'ki tapuripi'nin nan pen tu'kato' pe iya. <sup>16</sup> Ene uya tanporon kon ka'pon amu' kupu'pu— aiko ton, eke ton, imaminkena' ton, entu'manin nan, poitoru ton miri awonsi'ki inu' enawon kon pen—e'ma'kai'tito' pe enwo'ne' winon temiyatu kon pi', miri pe pu'a tupee'pi kon pi', <sup>17</sup> inu' ri usenna pen, miri pe pu'a karapo'po pi' iyese pen tama'ku'i ke pu'a kari ri ene ese' miri pe pu'a itese' nonpaai pu'a iye'tane.

<sup>18</sup> Seri esi pu'kena' pe e'ni i'se. Inu' esi yau tenu ke, tiwi ene nonpaai i'tui, apune pu'a ka'pon nonpaai pe iyese. Inonpaai esi 666.

## 14

### *Iyepika'tisa' Kon Eremu*

<sup>1</sup> Miri a'tai, karimeru mare e'mu'sa'kasa' ene'pu uya urau Sayan Wupu po. 144,000 kaisaron kon ka'pon amu' esi'pu ipiyau, itese' miri awonsi'ki ikupunu ese' menukanin nu'san tupee'pi kon pi'.

<sup>2</sup> Miri awonsi'ki main eta'pu uya Epu winipai.

Eke tuna ena kasa iseta'p<sub>u</sub> miri awonsi'ki eke pe kor<sub>u</sub>me e't<sub>u</sub>r<sub>u</sub>n<sub>u</sub>p<sub>u</sub> kasa. Main uneta'p<sub>u</sub> useta'p<sub>u</sub> wai turunpanin nan uya t<sub>u</sub>waai kon, a'p<sub>u</sub> turunpa kasa. <sup>3</sup> Kamoro 144,000 kaisaron kon e'm<sub>u</sub>'sa'kasa' esi'p<sub>u</sub> apono', asakiri'n<sub>u</sub> kon ene am<sub>u</sub>' miri awonsi'ki itepuru am<sub>u</sub>' rau, to' userenka'p<sub>u</sub> emenna' eren in<sub>u</sub>' ni'tun<sub>u</sub> pen ni pi', kamoro riken ni non poi iyepika'tisa' kon usenu-pato' ipi'. <sup>4</sup> Kamoro ka'pon am<sub>u</sub>' esi uri'sami'si a'kiri iyekumasa' kon pen ni. A'pi' p<sub>u</sub>ra to' esi. Karimeru m<sub>u</sub>re pikiri to' e'sa' mi airi ri iti a'tai. Ennasa' kon t<sub>u</sub>ron kon ka'pon am<sub>u</sub>' koro'tapai, miripan kon e'to' oton wapiya kuru Papa miri awonsi'ki karimeru m<sub>u</sub>re ena' t<sub>u</sub>t<sub>u</sub>san pe. <sup>5</sup> Kasi ye' pe to' e'sa' p<sub>u</sub>ra ri iyesi, i'ri ri iri p<sub>u</sub>ra ri to' esi.

*Osor<sub>u</sub>wawon Kon Inse<sub>u</sub> Am<sub>u</sub>'*

<sup>6</sup> Miri a'tai, t<sub>u</sub>ron ni inse<sub>u</sub> apirinta ene'p<sub>u</sub> uya ka'tau. Inker<sub>u</sub>' wak<sub>u</sub> main esa' pe tanporon kon ka'pon am<sub>u</sub>' non pon kon auro'kase'na — t<sub>u</sub>p<sub>u</sub>ataron kon, r<sub>u</sub>ko' am<sub>u</sub>', t<sub>u</sub>m<sub>u</sub>aimuron kon, miri awonsi'ki t<sub>u</sub>ponaron kon auro'kase'na. <sup>7</sup> Eke pe isaurok<sub>u</sub>'p<sub>u</sub>, “Papa inamati', eke pe iye'to' apuripi'ti', ka'pon am<sub>u</sub>' eseru aimenkato' iya e'seposa' man, apuriti'. K<sub>u</sub>ri ri apuripi'ti' Ep<sub>u</sub>n, non, parau miri awonsi'ki non yai tepa'kasen tuna konekanin n<sub>u</sub>'p<sub>u</sub>,” ta'p<sub>u</sub> iya.

<sup>8</sup> Itisakon n<sub>u</sub>'p<sub>u</sub> uya wapiyaro' inse<sub>u</sub> e'ma'p<sub>u</sub>ka'p<sub>u</sub>, “Ita'mo'kasa' man! Eke Paperan uta'mo'kasa' man! Tanporon kon ka'pon am<sub>u</sub>' o'pasa' iya t<sub>u</sub>yuku waain ke to' uya ensito' pe.

Kata'pan tekuma euku, waain ke to' o'pasa' iya,” ta'pɛ iya.

<sup>9</sup> Itosorɛwano rɛ'pɛ uya wapiyaro' kon asa'ron kon inserɛ amɛ' e'ma'pɛka'pɛ, miripan uya eke pe, “Inɛ' ri ene miri awonsi'ki ipe ika'sa' rɛ'pɛ apuripi'nin nɛ'pɛ miri awonsi'ki ima'kɛɛi menukanin nɛ'pɛ tɛpee'pi pi' miri pe pɛra temiyatɛ pi', <sup>10</sup> uya Papa sakorooi euku, waain ensito' oton, kota'man nito' tɛuya pɛsawɛ ya' inma'pɛ. Tanporon kon seri ku'nin nɛ'san ekota'mato' oton sorɛ'pa epo'ti yau wakɛ ton inserɛ amɛ' miri awonsi'ki karimeru mɛre uya enpi'tane. <sup>11</sup> Apo' to' po'tinin kirisin ekainɛnto' oton inke ri. Kamoro ene miri awonsi'ki ipe ika'sa' apuripi'nin nɛ'san miri awonsi'ki ima'kɛɛi menukanin nɛ'san umoronka'to' oton pen, ewarupi nau miri awonsi'ki wɛi nai ri,” ta'pɛ iya. <sup>12</sup> Seri esi Papa munki amɛ' esi tɛuseta'kai' pɛra imoronkanin nan pe to' esi i'se, kamoro Papa maimu awiron kon miri awonsi'ki i'napai ri te'san Sises pi'.

<sup>13</sup> Miri a'tai, main eta'pɛ uya Epɛn winipai, “Imenuka',” ta'pɛ iya, “Pori' pe kuru kamoro esi miri seri tɛpo teri'ton kon Itepuru tɛrawasooi pe esii'ma.”

“Ewai',” ta'pɛ Ita'kwarɛ uya, “Tɛumoronka'to' kon eposa' to' uya tɛtɛrawasooi kon apai, miripan kon nɛkupɛ'pɛ uti to' pikiri,” ta'pɛ iya.

### *Non Akɛ'pɛsa' Anɛmɛ*

14 Uyenu t̄ur̄u'p̄u uya, aimu'nan kapuru' ene'p̄u uya urau. Miri po ka'pon, Papa winon waraino\* ereutasa' ene'p̄u uya. Kor̄u pun konekasa' aro' k̄uron pe i'pai po miri awonsi'ki iyikena' mariya, si'k̄uru tato' itenau. 15 Miri a'tai, t̄uron ni inser̄u epa'ka'p̄u Papa ena' use'man nito', ip̄ureman nito' iw̄u' tapai, miripan uya eke pe kapuru' po iyereutasa' auro'ka'p̄u, “Amariyar̄u, si'k̄uru apuriki, kiyari ak̄u'p̄usa' an̄nki, iweyu e'seposa' man non ak̄u'p̄usa' a'tito' pe,” ta'p̄u iya. 16 Miri a'tai, kapuru' po iyereutasa' uya t̄umariyar̄u, si'k̄uru ari'ma'p̄u non epoi. Miri a'tai nin si, non ak̄u'p̄usa' uta'ti'p̄u.

17 T̄uron ni kanan inser̄u epa'ka'p̄u Papa ena' use'man nito', ip̄ureman nito' iw̄u', Ep̄un pon tapai, miripan esi'p̄u iyikena' ri mari si'k̄uru esa' pe. 18 T̄uron ni kanan inser̄u, apo' esa' epa'ka'p̄u use'man nito' apon winipai, eke pe iki'pi'n̄um̄u'p̄u iyikena' si'k̄uru esa' inser̄u uya etato' pe, “Amariyar̄u, si'k̄uru apuriki k̄ure' kiyari a'tiki umi non pon yawon ap̄ne p̄ura iyak̄u'p̄uka'sa' miri,” tawon. 19 Miri yau, inser̄u uya t̄umariyar̄u, si'k̄uru ari'ma'p̄u non pona, miripan uya kiyari, k̄ure' eperu a'ti'p̄u ite' poi, miripan eno'ma'p̄u iya eke Papa uya kota'man nito' kasu'kato' en ya'. 20 Kiyari, k̄ure' eperu ekasu'ka'p̄u ikasu'kato' yai, eke pata yau p̄ura, m̄an epa'ka'p̄u ikasu'kato' yapai i'm̄anp̄u pe 1,600 kaisa ri ȳu i epotor̄u'p̄u pe ikusano† miri awonsi'ki 5 pi' kaisa ri i'na', kaware m̄ata yawon ato' ipi' kusano airi.

---

\* 14:14 Taniyer̄u 7:13    14:15 Isower̄u 3:13    † 14:20 1,600 kaisa ri ȳu i epotor̄u'p̄u pe ikusano; 160 mayir̄u e'to' airi.

# 15

## *7 Kaisaron Kon Inseru Amu' 7 Kaisaron Paran Amu' Esanon*

<sup>1</sup> Turon ni i'tuto' ipikiri ene'pu uya ka' yau, eke, a'kwarupi'nin ni: 7 kaisaron kon inseru amu' esi'pu 7 kaisaron paran amu' u'matu esanon, apune pura Papa uya kota'man nito' u'ma'sa' ekamanin pe iyese'pu. <sup>2</sup> Miri yau, wanamari kasa tausensen parau ene'pu uya apo' pokon pe iye'sumasa'. Miri awonsi'ki kamoro kanan ene miri awonsi'ki ipe ika'sa' miri awonsi'ki nonpa pe itese' isenpoikasa' entai iye'sa' kon ene'pu uya. To' e'mu'sa'kasa' esi'pu awai'nan wanamari waraino parau e'pi po, Papa uya turepa'pu kon tawaai kon, a'pu esa' pe'ne. <sup>3</sup> Mosi', Papa poitoru, miri awonsi'ki karimeru mre eremu pi' to' userenka esi'pu:

“Itepuru Papa Merunti pe kuru te'sen ye',  
eke pe miri awonsi'ki a'kwarupi'nin pe kuru  
Inkupanu man.

Kin, tapataron kon iwano',  
ipoken miri awonsi'ki i'napai ri iyaseru esi.

<sup>4</sup> Oso si! Itepuru, inu' uya pe' anama pen ni?  
Inu' esi, eke pe iyese' e'to' inekamapai pura?

Imiri riken ni kari ri waku.

Tanporon kon tapataron kon ka'pon amu' uye'to'  
oton

ayapuripi'se'na,  
apune pura ipokena' iyaseru usenpoikasa' man,”  
tawon pi'.

<sup>5</sup> Seri e'ma'pu ta', Epan po Papa ena' use'man nito', ipureman nito' iwu', Ta'porin, miri si Papa



esi moro ekamanin pe te'sen uta'koka ene'p<sub>u</sub> uya.  
<sup>6</sup> Kamoro 7 kaisaron kon inser<sub>u</sub> am<sub>u</sub>' 7 kaisaron paran esanon epa'ka'p<sub>u</sub> use'man nito' iw<sub>u</sub>' tapai. To' epontipi'sa' esi'p<sub>u</sub> sirin pan pon renen tato' ya', miri awonsi'ki kor<sub>u</sub> pun konekasa' pok<sub>u</sub> kasa ke to' utawoino'tipi'sa' esi'p<sub>u</sub>. <sup>7</sup> Miri yau asakiri'nan kon ene am<sub>u</sub>' tonpa uya 7 kaisaron kon inser<sub>u</sub> am<sub>u</sub>' repa'p<sub>u</sub> 7 kaisaron kor<sub>u</sub> pun ka'sa' p<sub>u</sub>sau pe'ne ke. Papa uya kota'man nito' ke'ne iyepetipi'sa', Papa inke ri t<sub>u</sub>uko'mansen. <sup>8</sup> Papa ena' use'man nito' iw<sub>u</sub>' epe'tisa' esi'p<sub>u</sub> ikirisin Papa a'kwarii miri awonsi'ki ipana'pano ke, in<sub>u</sub>' ri ewom<sub>u</sub> p<sub>u</sub>ra iyesi'p<sub>u</sub> ita' 7 kaisaron paran i'ma'ka 7 kaisaron kon inser<sub>u</sub> am<sub>u</sub>' uya p<sub>u</sub>'k<sub>u</sub> pona ri.

## 16

### *Papa Uya Kota'man Nito' En Ton*

<sup>1</sup> Miri yau eke main eta'p<sub>u</sub> uya Papa ena' use'man nito' iw<sub>u</sub>' tapai 7 pan kon inser<sub>u</sub> am<sub>u</sub>' auro'ka iya, “Entanti', Papa uya kota'man nito' en am<sub>u</sub>' 7 kaisaron i'kwanpi'tanti' non pona,” ta'p<sub>u</sub> iya. <sup>2</sup> Wapiyaro' inser<sub>u</sub> uti'p<sub>u</sub>, miripan uya ti'saw<sub>u</sub> yawon i'kwam<sub>u</sub>'p<sub>u</sub> non pona. Iri miri awonsi'ki e'ne' ton ere' am<sub>u</sub>' epa'ka'p<sub>u</sub> ene ma'k<sub>u</sub>ui eponin n<sub>u</sub>'san pi' miri awonsi'ki ipe ika'sa' apuripi'nin n<sub>u</sub>'san pi'.

<sup>3</sup> Itisakon n<sub>u</sub>'p<sub>u</sub> uya ti'saw<sub>u</sub> yawon i'kwam<sub>u</sub>'p<sub>u</sub> parau ka'. Tuna era'ti'p<sub>u</sub> iyeri'sa' ka'pon man<sub>u</sub> kasa, miripan tanporo ri ikau te'san erik<sub>u</sub>'p<sub>u</sub>.

4 To' osoruwano ru'pu uya ti'sawu yawon i'kwamu'pu tuu'tisen tuna ka' miri awonsi'ki non yai tepa'kasen tuna pona'ne ri, miripan ton era'ti'pu man pe. 5 Ineru tuna ton esa' pe te'sen uya ta eta'pu uya,

“Waku pe kuru me'ai',

ka'pon amu' eseru aimenkato' auya yau,

Imiri Waku, moro na'ne' miri awonsi'ki moro iye'sa' ru'pu.

6 To' uya waku ton miri awonsi'ki pu'kena' amu' man ennoko'pu.

Miri pe iyese pi', man ensito' pe to' uya iku'sa' auya, tepe'pu kon eporo to' uya,”

ta'pu iya. 7 Miri a'tai, use'man nito' apon uya eiku eta'pu uya, se tukai':

“Ewai', Itepuru Papa Merunti pe kuru te'sen ye',

i'napairon pe kuru ri miri awonsi'ki waku pe kuru ka'pon amu' eseru aimenkato' auya man,”

tawon.

8 To' asakiri'pano ru'pu uya ti'sawu yawon i'kwamu'pu wai enu pona, miripan a'ne' pe iyese uya ka'pon amu' puto' pe iku'sa' esi'pu. 9 A'ne' pe iyese uya ka'pon amu' puru'pu, miripan kon uya Papa ese' pa'naku'pu, tanporo seri paran amu' esa' pe te'sen. E'tane tumakooi kon apai era'tipai para to' esi'pu apuripi'se'na.

10 5 pe to' ku'nin ineru uya ti'sawu yawon i'kwamu'pu ene apon pona. Ewarupi pe itesa' pe iye'to' ena'pu. Ka'pon amu' uya tani kon i'kapitu'pu, apune para e'ne' pe tesi kon pi'.

11 Miripan kon uya Papa, Erɯn pon pa'nukɯ'pɯ e'ne' pe tesi kon pi' miri awonsi'ki erekɯ' pe tesi kon pi'. E'tane iri teseru kon piyapai era'tipai pɯra to' esi'pɯ.

12 6 pe to' ku'nin inserɯ uya ti'sawɯ yawon i'kwamɯ'pɯ eke tuna tɯu'tisen Yu'pɯretes itese'ka', miripan miri tuna a'muna'pɯ kin amɯ' wɯi enu uyepɯ winipaino kon uye'to' pe iyawiri. 13 Miri tɯpo, osorɯwawon kon iri a'kwarɯ ton ene'pɯ uya, pirɯtuku waraino kon. To' epa'kapɯtɯ'pɯ uru-pere mɯta yapai, ene mɯta yapai, miri awonsi'ki ennakandin pu'kena' mɯta yapai. 14 Kamoro si esi'pɯ makoi a'kwarɯ ton eke tutɯrawasooi kon kupɯ pi'. Pɯsamoro osorɯwawon kon a'kwarɯ amɯ' utito' oton non emɯ' kaisaron kon kin amɯ' amaranɯ'se'na to' usewa'nomato' pe Papa Merunti pe kuru te'sen ye', eke iweyu a'tai.

15 “Etaki! Ama' kasa uye'ai! Pori' pe kuru kɯri ri esi miri te'nɯnse pɯra nenkurunyai'ne' tɯpon mainanpa pi' ipon pɯra tɯusari namai' ka'pon amɯ' koro'tau tipiyitɯ namai',” ta'pɯ iya.

16 A'kwarɯ amɯ' uya kin amɯ' amaranukɯ'pɯ tanporo pata Amaketan tukai' Ipuru amɯ' nesakɯnɯ ya'.

17 7 pe to' ku'nin inserɯ uya ti'sawɯ yawon i'kwamɯ'pɯ kakɯi'. Eke main uyee'pɯ apono' winipai Papa ena' use'man nito' iwɯ' tapai, “Iu'ma'sa' man!” ta'pɯ iya. 18 Kamiri' e'weuweuma esi'pɯ, ta'merunsen esi'pɯ, isi pe korame e'toi'pitɯ esi'pɯ, miri awonsi'ki isi

---

16:12 Aisaya 11:15    16:15 Ma'siu 24:43-44; Ɔru' 12:39-40;  
Isenpoikasa' 3:3    16:16 2 Kin Amɯ' 23:29; Sakaraya 12:11

ri turu'punu esi'pu. Miri waraino turu'punu esa' pua iyese, ka'pon ekoneka'pu si'kiri, seri turu'punu esi'pu isi pe tanporon entai. <sup>19</sup> Eke pata e'mopitu'pu osoruwau iye'to' airi, miri awonsi'ki tapataron kon pata'se' ton uta'moruka'pu. Papa uya eke Paperan kupu'pu tenu yau, miripan uya tuyuku ensito' pe tukokya yai ikupu'pu, kota'man nito' tuyua euku. <sup>20</sup> Tanporon ni opa'wu amu' pua iyena'pu miri awonsi'ki wu' amu' pua iyena'pu. <sup>21</sup> Eke ton tuna ti'mooi 100 pon kaisaro' nan uta'poku'pu ka' winipai ka'pon amu' pona. Miri pi', ka'pon amu' uya Papa pa'nu'ka'pu, apune pua isi pe kuru miri paran esi pi'.

## 17

### *Eke Tekumase*

<sup>1</sup> Miri a'tai, 7 pan kon inseru amu' tonpa 7 kaisaron pusau amu' esa' pe iye'sa' ru'pu uyee'pu upiya', miripan uya, "Isi'ki, ipi' ekamato' pe uya eke tekumase ekota'mato' eseru, kuri ri tu'kan tuna puro'po te'sen. <sup>2</sup> Kin amu' non pon kon ekumasa' kuri ri eke tekumase a'kiri, miri awonsi'ki ka'pon amu' e'taripasa' iri inkupunu euku pi'," ta'pu iya.

<sup>3</sup> Miri a'tai, inseru uya uyari'pu Ita'kwaru yau rimonu' ta'. Miri yau, uri'san ene'pu uya, isuweyu ene po iyereutasa', Papa sapemato' ese' ton e'menukapi'sa' ke iwontisa'. 7 kaisa ri i'pai ton esi'pu miri awonsi'ki 10 kaisa ri iretu ton. <sup>4</sup> Uri'san epontisa' esi'pu tutariren pon ya', isuweyu ya',

---

**16:18** Isenpoikasa' 8:5; 11:13, 19    **16:19** Aisaya 51:17    **16:20**  
 Isenpoikasa' 6:14    **16:21** E'sotas 9:23; Isenpoikasa' 11:19    **17:1**  
 Iseremaya 51:13    **17:2** Aisaya 23:17; Iseremaya 51:7    **17:3**  
 Isenpoikasa' 13:1

miripan uta'ku'tisa' esi'pu koru ke, epe'kena' ton ti' ke miri awonsi'ki wak<sub>u</sub> ton mokon ke. Tenau ko' koru pun konekasa' a'sisa' iya esi'pu, iri ton kuru nuirapanin nan ke iyepetisa' esi'pu, tekumai' iri ton ku'sa' iya moron nu'pu. <sup>5</sup> Ser<sub>i</sub> ese' menukasa' esi'pu ipee'pi pi' i'tu pokena' pen ekamanin pe:

## EKE PAPERAN

## TANPORON KON TEKUMASAN

MIRI AWONSI'KI IRI TON KURU RI NUIRAPANIN NAN  
NON PON KON SAN.

<sup>6</sup> Iye'taripasa' pe uri'san ene'pu uya Papa munki am<sub>u</sub>' m<sub>u</sub>nu ke miri awonsi'ki kamoro Sises ekamanin nan m<sub>u</sub>nu ke.

Ene uya a'tai, ipan pe ri usewansiuka'pu.

<sup>7</sup> "Iri pi' iusewansiuka?" ta'pu inseru uya upi'.

"Ekama uya miri ipi' iri ekamanin pe uri'san esi miri awonsi'ki ene anin pe na'ne', ene <sup>7</sup> kaisaron i'pai miri awonsi'ki <sup>10</sup> kaisaron iretu.

<sup>8</sup> Ene inene'pu, iye'sa' ru'pu, ipura na'ne', miri awonsi'ki tu'ye'ton iya'mu pu<sub>n</sub> iteuta\* yapai, miripan utito' oton tu'uma'tato' ya'. Ka'pon am<sub>u</sub>' non po tu'uko'mansan, itese' iye'menukasa' kon pen non ekoneka rawiri tu'uko'mansan karetaai pi' usewansiukato' oton ene, ene tu'uya'nokon a'tai, ap<sub>u</sub>ne pu<sub>u</sub>ra iye'sa' ru'pu, ipura na'ne', e'tane tu'ye'ton.

<sup>9</sup> "Ser<sub>i</sub> esi ser<sub>i</sub> pu'kena' pe kuru usenuminkan i'se. <sup>7</sup> kaisa ri i'pai na'ne' esi <sup>7</sup> kaisaron w<sub>u</sub>' am<sub>u</sub>', uri'san ereutasa' na'ne' ipo. <sup>10</sup> Kamoro kanan esi <sup>7</sup> pan kon kin am<sub>u</sub>'. <sup>5</sup> kaisa ri to' uta'mo'ka'pu, tikin

---

**17:4** Iseremaya 51:7 \* **17:8** iya'mu pu<sub>n</sub> iteuta - Apis; pata non a'mu yawon, iri a'kwaru ton a'sito' ya' to' kota'mato' u'matu pu'ku pona. **17:8** Taniyeru 7:7; Isenpoikasa' 11:7; Eren 69:28

nan esi moro taron ni uye'sa' p̄ra ri mari iyese; iye'sa' pe iyese a'tai, mara ri miri yau iye'to' oton. <sup>11</sup> Kuri ri ene moro iye'sa' ru'p̄u, e'tane ima'tasa' ru'p̄u esi miri 8 pe kin am̄u' ku'nin pe, miripan esi wapiyaro' 7 pan kon tonpa, miripan utito' oton ama'tase'na.

<sup>12</sup> “10 kaisaron iretu am̄u' meneine' nan esi 10 pan kon kin am̄u', ap̄ne ri itepuru pe to' enasa' p̄ra ri mari iyese. E'tane kin pe to' e'to' oton tikin ite'kwa kura' emiya era'tito' airi riken ene pokon pe. <sup>13</sup> P̄samoro 10 pan kon kin am̄u' esi'p̄u tikin ni iteseru, miripan kon uya t̄pana'pano kon t̄to' oton ene ena'. <sup>14</sup> Miripan kon usewa'nomato' oton karimeru m̄re pokon pe, e'tane karimeru m̄re enato' oton to' entai, ap̄ne p̄ra itepuru ton epuru pe iyese, kin am̄u' epuru pe ri. Ipokon pe inki'ma'san, inanam̄u'san, miri awonsi'ki ipikiron kon iyawiri te'san e'to' oton,” ta'p̄u iya.

<sup>15</sup> Insetu uya ta'p̄u upi', “Tuna am̄u' meneine' tekumasen ereutasa' ipo esi miri ka'pon am̄u', taron kon ruko' am̄u', t̄pataron kon miri awonsi'ki t̄m̄aimuron kon. <sup>16</sup> 10 kaisaron iretu miri awonsi'ki ene meneine' uya tekumasen ewaruma'tito' oton, tanporo itiwano' mo'kato' oton to' uya, ipon p̄ra to' uya iku'to' oton. To' uya anto' oton, miripan ma'tana'to' oton to' uya apo' ke. <sup>17</sup> Ap̄ne p̄ra Papa uya to' ewan ya' ipata'tisa' pi' i'ri ri i'se te'to' ku'to' pe to' uya, isi'kaisa ri tekonekai' t̄pana'pano kon t̄to' pe to' uya ene ena', ikoneka pe itesa' pe iye'to' pe, Papa maimu uta'ku'ti p̄u'ku' pona ri. <sup>18</sup> Uri'san meneine' esi eke pata, non po te'san kin am̄u' esa',” ta'p̄u iya.

# 18

## *Paperan Uta'mo'kasa'*

<sup>1</sup> Serì e'kupɛ'pɛ tɛpɔ, tɛron ni inserɛ uyepɛ ene'pɛ uya Eɾɛn winipai. Eke pe te'to' tɛmeruntirɛ yau iyesi'pɛ, miripan a'kwarii uya tanporo non a'kwaka'pɛ. <sup>2</sup> Miripan uki'pi'nɛmɛ'pɛ eke pe: “Ita'mo'kasa' man! Eke Paperan uta'mo'kasa'!

Miripan enasa' makoi amɛ' pata'se' pe, miri awonsi'ki makoi\* a'kwarɛ amɛ', iri ton, i'se e'nito' kon pen ni toron amɛ' pata'se' pe iyenasa'.†

<sup>3</sup> Aɾɛne pɛra tanporon kon tɛpataron kon ka'pon amɛ' uya waain ensi'pɛ, miri isi waain iyekumato' euku.

Tanporon kon kin amɛ' non pon kon ekumasa' iya'kiri, miri awonsi'ki kɛrɛpɔ'pɔ pi' te'san enasa' ipɛrataaikena' pe, wakɛ ton kuru itapuruuu ton tonpa ke ri,”

tukai'.

<sup>4</sup> Miri a'tai, tɛron ni main eta'pɛ uya Eɾɛn winipai se kasa tawon:

“Iyapai epa'kati', umunki amɛ'!  
imakooi yau iwesi kon namai', itonpa pe tenai',

---

\* **18:2** makoi, miri pe pɛra iri, Kiri' maimu yau. † **18:2** Iri ton, i'se e'nito' kon pen ni toron amɛ' pata'se' pe iyenasa'; tɛron ni inmenukasa' uya, iri ton toron amɛ' pata pe, iri ri pata pe miri awonsi'ki tɛwaruma'tisen ene pata pe iyenasa', ta KJV uya. **18:2** Aisaya 13:21; 21:9; Iseremaya 50:39; 51:8; Isenpoikasa' 14:8 **18:3** Aisaya 23:17; Iseremaya 51:7

iteparan ton eporo auya'nokon namai'.

<sup>5</sup> Apune para imakooi uka'putasa' man ka' tepose, miri awonsi'ki Papa uya iri ton iteseru kupu tenu yau.

<sup>6</sup> Ipi' inkupu'pu ri mari iku'ki ipi',  
asa' ite'kwa iye'to' airi ipi' inkupu'pu iku'ki ipi'.  
I'sawu ipe'tiki iuku pe inkoneka'pu kata'pano entai asa' ite'kwa ikata'pano e'to' airi.

<sup>7</sup> E'ne' moronkato' pe iya iku'ki miri awonsi'ki isewankamato' pe,  
eke pe iyese'pu miri awonsi'ki waku pe iyese'pu kasa.

Tewan yau mi pe iye'kupu'pu,  
'Moro ereutasa' kwin pe; itaan'pu ima'tasa' ru'pu pe esi pen,  
tuta'kwarukai' ukaranto' oton pen,' ta iya.

<sup>8</sup> Miri kasa iyese ke, paran uya iwito' oton tiki nan wai yau:

uma'tan nito', tuta'kwarukai' ukaran nito'  
miri awonsi'ki iwankan,  
miri awonsi'ki apo' uya ipo'tito' oton,  
apune para Itepuru Papa iteseru aimenkanin esi merunti pe,"

tawon.

<sup>9</sup> "Kin amu' non pon kon iri pe iya'kiri iyekumasa' kon miri awonsi'ki iya'kiri iye'sa' kon waku ton kuru ri itapuruui ton pikiri ukaranto' oton tuta'kwarukai', to' ukaranto' oton ipan pe pata wenai iyepo'ti kirisin ene tuya'nokon a'tai. <sup>10</sup> Inni ipiyapai to' e'to' oton, apune para e'ne' moronka iya pi', miripan kon uya ta:

---

**18:4** Aisaya 48:20; Iseremaya 50:8; 51:6, 45      **18:5** Iseneses 18:20-21; Iseremaya 51:9      **18:6** Eren 137:8; Iseremaya 50:29

**18:8** Aisaya 47:7-9



“Ƴsi kusa! Ƴsi kusa,  
seri eke miri awonsi'ki pana'pan pata Pa-  
peran!

Inke p̄ra ri iyekota'mato' e'seposa' man!  
tato' oton.

<sup>11</sup> “K̄r̄po'po pi' te'san non pon kon ukaranto' oton iwenai t̄uta'kwar̄kai', ap̄ne p̄ra timamin kon ennanin p̄ra iyesi pi' miri enta'—<sup>12</sup> to' kor̄ai, to' sir̄paai, epe'kena' to' tipu miri awonsi'ki mokon pun; epe'kena' pon renen tato' at̄u ton, t̄atariren pon at̄u, sir̄u', isuweyu pon at̄u, tu'kan ni a'po'nan paranka am̄u' miri awonsi'ki aipori tato' win̄pai ikonekasa' ton, epe'kena' ton ȳi win̄pai, karukuri win̄pai, wa'ka pun win̄pai miri awonsi'ki map̄r̄u win̄pai; <sup>13</sup> miri awonsi'ki senaman, kiyari isu, karapa, mir̄u tato' miri awonsi'ki a'po'nan t̄kiri'n̄n̄pasen, waain, are' kasi', wak̄u kuru p̄rowa miri awonsi'ki wi'; paka am̄u' miri awonsi'ki karimeru am̄u'; kaware am̄u', tararan am̄u'; apiyo' ton ennanin p̄ra iyesi pi'.

<sup>14</sup> “K̄r̄po'po pi' te'san uya se kasa tato' oton ipi', ‘Tanporo wak̄u ton i'se iwe'sa' r̄u'p̄u uti'p̄u man, tanporo iimamin ton, wak̄u pe iwe'to' uti'p̄u, miri awonsi'ki epoto' auya oton pen ni.’ <sup>15</sup> K̄r̄po'po pi' te'san ip̄rataaikena' pe iyenasa' kon miri pata yau, e'm̄u'sa'kato' oton inni ipiyapai, ap̄ne p̄ra to' enari'n̄m̄u e'ne' moronka iya pi'. To' ukaranto' oton t̄uta'kwar̄kai', to' ukaranto' oton ipan pe, <sup>16</sup> mir̄ipan kon uki'p̄i'n̄n̄pi'to' oton:

“ Ƴsi kusa! Ƴsi kusa miri eke pata,

**18:10** Isi'kiyer̄u 26:16-17  
Isi'kiyer̄u 27:31, 36

**18:13** Isi'kiyer̄u 27:12-13, 22

**18:15**

tepontisen pe iye'sa' ru'pu epe'kena' pon  
 renen tato' ya', tatariren miri awonsi'ki  
 isuweyu pon ya',

miri awonsi'ki iye'wontipi'sa' ru'pu koru  
 konekasa' a'ku pe ke, epe'kena' ton ti' ke,  
 miri awonsi'ki mokon ke!

<sup>17</sup> Tikin ite'kwa kura' emiya era'tito' a'tai ri eke  
 kuru itimamin uma'ta'pu!

“Tanporo eke kanau anin pe te'san, kanau yau  
 tautisan, yau te'tarawasomasan miri awonsi'ki  
 taron kon ni parau kau te'tarawasomasan  
 e'mu'sa'kato' oton inni. <sup>18</sup> Miripan kon

uki'pi'nanto' oton iyepo'ti kirisin ene tauya'nokon  
 a'tai, ‘Moro ri pe' pata ne'tai seri eke pata warai?’  
 tato' oton to' uya. <sup>19</sup> Amuru taru'pi'to' oton to' uya  
 ti'pai kon pona, tauta'kwarakai' akaramui'ma to'  
 uki'pi'nanti'to' oton:

“Isi kusa! Isi kusa miri eke pata!

Miri pata wini kamoro parau kau kanau  
 esanon  
 ena'pu imaminkena' pe, itimamin wini ri.

Tikin ite'kwa kura' emiya era'tito' airi ima'tasa'!

<sup>20</sup> Oso si! Epun, pori' pe e'ki, apune para ima'tasa'  
 pi'.

Pori' pe e'ti', Papa munki amu', itekare eka-  
 mai' enno'sa' kon miri awonsi'ki pu'kena'  
 ton,

apune para Papa uya ipi'nokon inkupu'pu ku'sa'  
 miri ipi',”

tato' oton.

**18:17** Aisaya 23:14; Isi'kiyeru 27:26-30      **18:18** Isi'kiyeru 27:32

**18:19** Isi'kiyeru 27:30-34      **18:20** Isu'taronomi 32:43; Iseremaya  
 51:48

21 Miri a'tai, merunti inseru uya ti' anamu'pu eke a'nai' e'pato' yai kaisaron ni, miripan eno'ma'pu iya parau ka' se kasa tai'ma:

“Seri kasa isi pe

eke pata Paperan eno'mato' oton,

miri awonsi'ki epoton pe para ri kanan.

22 Wai, a'pu turunpanin nan, wai, sarakuwa turunpanin nan miri awonsi'ki wai taronpi' turunpanin nan

usetato' oton pen ni kanan ayau.

Ti'tui' para ri i'ri ri taka'pi'se te'tarawasomasan e'sepoto' oton kanan pen ayau,

miri awonsi'ki a'nai' e'pato' yai

usetato' oton pen ni kanan ayau.

23 Raan'pu uya pata wei'tisa' usento' oton pen ni kanan ayau,

miri awonsi'ki temari'masen uri'san miri awonsi'ki itaan'pu maimu

usetato' oton pen ni kanan ayau.

Ipoitoru ton karupo'po pi' te'san esi'pu eke ton kuru ri seri yau

miripan enwoke' pe iwe'to' ke tanporo

tupataron kon ka'pon amu' ano'ma'pu auya.

24 Paperan po pu'kena' amu' miri awonsi'ki waku ton,

miri awonsi'ki tanporo non po iwisa' kon manu e'seporo'pu,”

ta'pu iya.

# 19

## *Areruya!*

<sup>1</sup> Seri e'ma'p<sub>u</sub> pe, eke anpisin ka'pon am<sub>u</sub>' maimu waraino eta'p<sub>u</sub> uya Ep<sub>u</sub>n po, se kasa tawon:

“Areruya!

Epika'tin nito', eke pe iku'to' miri awonsi'ki merunti esi Papa iwano' pe,

<sup>2</sup> i'napai ri, miri awonsi'ki wak<sub>u</sub> pe kuru eseru aimenkanin pe iyesi.

Eke tekumasen eno'masa' iya,

non ano'ma pi' iye'sa' r<sub>u</sub>'p<sub>u</sub> iri teseru ke.

Papa uya ikota'masa' t<sub>u</sub>poitor<sub>u</sub> ton mun<sub>u</sub> epe'p<sub>u</sub> pe,”

ta'p<sub>u</sub> to' uya. <sup>3</sup> To' uki'pi'n<sub>u</sub>npi'kaa'p<sub>u</sub> kanan,

“Areruya!

Iyepo'ti kirisin ekain<sub>u</sub>m<sub>u</sub> inke ri,”

tukai'.

<sup>4</sup> 24 kaisaron kon itepuru ton miri awonsi'ki asakiri'nan kon ene am<sub>u</sub>' uta'mo'ka'p<sub>u</sub> Papa apuripit<sub>u</sub> pe, apono' po iyereutasa', miripan kon uki'pi'n<sub>u</sub>npi't<sub>u</sub>'p<sub>u</sub>:

“Amen! Areruya!”

tukai'.

## *Karimeru M<sub>u</sub>re Emari'ma Uta're'ti*

<sup>5</sup> Miri a'tai, main useta'p<sub>u</sub> apono' winipai, se kasa tawon:

“Papa, itese' pi' e'nito' apuripi'ti'

tanporon kon ipoitor<sub>u</sub> ton,

imiri'nokon inamanin nan,

aiko ton miri awonsi'ki eke ton!”

tawon.

<sup>6</sup> Miri tupo, eta'pu uya anpisin ka'pon amu' maimu waraino, eke tuna ena maimu waraino, miri awonsi'ki eke pe korame e'turupitu waraino. Se kasa tato' uya eta'pu uya,

“Papa apuripi'ti!

Apune pura Itepuru Papa Merunti pe kuru te'sen ye' esi kin pe pi'.

<sup>7</sup> Epori'manpai'nokon, pori' pe e'ni'pai'nokon, eke pe iye'to' apuripi'pai'nokon!

Karimeru mare emari'ma weyu e'seposa' man, ino'pu pe te'ton ekonekasa' man ite'ma ta'.

<sup>8</sup> Epe'kena' pon renen tato', enkena' miri awonsi'ki itoi'masa' pen ke irepasa' iyepontito' ya' pe,” tukai'. (Epe'kena' pon renen tato' esi ipokena' pe waku ton nukupu'pu ru'pu.)

<sup>9</sup> Miri a'tai, inseru uya ta'pu upi', “Seri imenuka': ‘Pori' pe kuru kamoro esi miri karimeru mare emari'ma uta're'ti ya' iki'masa' kon!’” Miyari ri inseru uya, “I'napairon kuru ri seri Papa Maimu,” ta'pu.

<sup>10</sup> Uta'mo'ka'pu i'ta piyau apuripi'se'na, e'tane, “Ku'kupui. Awaraino ri mari uri miri awonsi'ki itonpa ton na'ne' warai ri mari i'napairon Sises nenpoika'pu pokon ni mari. Papa apuripi'ki! I'napairon Sises nenpoikanu uya ka'pon amu' koneka tusauro'san pe pu'kena' amu' kasa,” ta'pu iya.

### *Aimu'nan Kaware Pon*

11 Miri tupo, Epun uta'koka ene'pu uya, aimu'nan kaware esi'pu, ipo te'sen ese' esi'pu Iyawiron Kuru, miri awonsi'ki I'napairon. Waku pe isi'kaisa ri eseru aimenkanin miri awonsi'ki tausewa'nomasen. 12 Itenu ton esi'pu apo' epo'ti kasa miri awonsi'ki tu'kan ni aro', karon amu' esi'pu i'pai po. Ese' e'menukasa' esi'pu ipi', inu' ni'tunu pen ni, kari ri uya riken i'tu. 13 Ipon, iyau iye'to' esi'pu mun ka' iki'sa' pe. Itese' esa'to' yau esi' "Papa Maimu" tukai'. 14 Epun pon kon soisa amu' uti esi'pu ipikiri, aimu'na' nan kaware amu' po'ne, aimu'nan, itoi'masa' pen epe'kena' pon renen tato' ya' tepontipi'se. 15 Iyikena' supara epa'ka'pu inta yai, miri ke tupataron kon ka'pon amu' wito' iya oton. "To' esa' pe iye'to' oton wa'ka pun itii pe,"\* miripan uya waain kasu'kato' oton, Merunti pe kuru te'sen ye' Papa uya kota'man nito' kasu'kato' en yai. 16 Ipon pi' miri awonsi'ki ite'mata pi' ese' e'menukasa' esi'pu:

Kin amu' epuru miri awonsi'ki itepuru ton epuru tukai'.

17 Miri a'tai, inseru e'mu'sa'kasa' ene'pu uya wai enu yau. Eke pe iki'pi'nunpitu'pu tanporo kau te'san toron amu' uya etato' pe, "Isi'ti', tanporo eke pe Papa uta're'ti ya' amurati'. 18 Isi'ti', kin amu' pun, soisa amu' epuru ton pun, merunti ton pun, kaware amu' pun, to' po te'san pun, tanporon kon ka'pon amu' poitoru pe te'san miri awonsi'ki inu' enawon kon pen, eke ton miri awonsi'ki aiko ton ni niri pun ani kon pa," ta'pu iya.

**19:11** Isi'kiyeru 1:1; Eren 96:13; Aisaya 11:4      **19:12** Taniyeru

10:6      \* **19:15** Eren 2:9      **19:15** Aisaya 63:3; Isoweru 3:13;

Isenpoikasa' 14:20      **19:18** Isi'kiyeru 39:17-20

19 Miri a'tai, ene, kin amu' non pon kon miri awonsi'ki to' soisaai amu' amarasa' ene'pu uya, kaware pon miri awonsi'ki isoisaai amu' ewa'nomase'na. 20 E'tane ene a'si'pu to' uya pariki'si ta', ennakanin pu'kena' pokon pe, eke iturawasooi ton, i'tuto' ipi' ku'nin nu'pu ipiyau. Seri i'tuto' ipi' ton ke kamoro ene ma'kuhi ke iye'menukasa' kon, miri awonsi'ki ipe ika'sa' apuripi'nin nu'san enku'ti'pu iya miri. Ene miri awonsi'ki ennakanin pu'kena' eno'ma'pu to' uya nurine apo' ku'puri ka' soru'pa ke tepo'tisen. 21 To' soisaai amu' wini'pu supara kaware pon mata yapai tepa'kasen uya, miripan tanporon kon toron amu' uya i'se te'to' kon pu'ku pona ri to' pun ani'pu.

## 20

### *1,000 Kaisaro' Nan Wupiya Ton*

1 Inseru u'ti ene'pu uya Epuh yapai, iya'mu puh iteuta\* kii miri awonsi'ki eke i'sen itenau. 2 Urupere a'si'pu iya, kuri ri esi penaro' ri ikui, Makoi, miri pe puha Se'tan,† miripan auronpitu'pu iya 1,000 kaisa ri wupiya iye'to' pe. 3 Inseru uya eno'ma'pu iya'mu puh iteuta ya'. A'koro'pu iya, miripan a'siku'pu iya, tapataron kon ka'pon amu' enku'ti iya namai' 1,000 kaisa ri wupiya u'matu pona ri. Miri tupo, inonkato' pe aka'ne' pe ri.

---

**19:20** Isenpoikasa' 13:1-18 \* **20:1** iya'mu puh iteuta; Apis—pata non a'mu yawon, iri a'kwaru ton a'sito' ya' to' kota'mato' u'matu pu'ku pona. † **20:2** Se'tan - Makoi ese' isakon, Papa eseru ewaruma'tinin ta e'kwa pe; v. 6-8 niri. **20:2** Iseneses 3:1

4 Miri a'tai, apono' amu' ene'pu uya miri awonsi'ki ipo'ne iyereutapi'sa' kon kamoro eke pe to' e'to' pe eseru aimenkanin nan pe irepasa' kon. I'muru'pi'sa' kon a'kwaru kanan ene'pu uya i'napairon Sises nenpoika'pu ekama to' uya pikiri, miri awonsi'ki Papa Maimu pikiri. Ene apuripi'sa' to' uya pu'ra iyese, miri awonsi'ki ipe ika'sa' ene ma'ku'i eposa' to' uya pu'ra iyese t'apee'pi kon pi', miri pe pu'ra temiyatu kon pi'. Miripan kon e'mu'sa'kasa' teriku kon t'upo esi'pu kin pe Kurai pokon pe 1,000 kaisa ri wu'piya. 5 (Turon kon iyeri'pi'sa' kon amu' e'mu'sa'ka pu'ra iyese'pu 1,000 kaisaron wu'piya u'matu pu'ku pona ri.) Seri esi wapiyaro' iyeri'pi'sa' kon e'mu'sa'kato'. 6 Pori' pe kuru miri awonsi'ki waku pe kamoro esi wapiyaro' kon iyeri'sa' kon e'mu'sa'ka koro'tau na'ne' nan. Itisakon uma'tan nito' pana'pano pu'ra iyese to' entai, e'tane Papa ena' use'man nito' turawasomanin nan pe to' e'to' oton Papa iwano' pe miri awonsi'ki Kurai iwano' pe, miripan kon e'to' oton itepuru pe ipokon pe 1,000 kaisa ri wu'piya.

### *Se'tan Ma'tanuku*

7 Miri 1,000 kaisaron wu'piya ton u'ma'sa' a'tai, Se'tan e'nonkato' oton pariki'si tapai, 8 miripan utito' oton t'upataron kon ka'pon amu' Koku miri awonsi'ki Makoku amu' enku'tise'na—asakiri'nan non ekun yawon kon. To' amuranu'to' iya oton isewa'nomase'na, anpsin pe parau e'pi pon wi'si' esi kasa. 9 To' utanu'sa' uti'pu non emu' kaisa ri e'soru'mai'ma, miripan kon uya Papa munki



amu' pata'se' oimentip<sub>pu</sub>, eke pata<sup>‡</sup> ini'n<sub>n</sub>kanu, e'tane apo' u'ti'p<sub>pu</sub> Epan winipai, miripan uya to' ma'tanuku'p<sub>pu</sub>. <sup>10</sup> Miri t<sub>pu</sub>po, Makoi, to' enku'tinin nu'p<sub>pu</sub> useno'ma'p<sub>pu</sub> soru'pa epo'ti ku'piri ka', ene miri awonsi'ki ennakanin pu'kena' eno'makaa'p<sub>pu</sub> ika' ru'p<sub>pu</sub> ka'; miripan kon ekota'mato' oton w<sub>hi</sub> kaisa ri miri awonsi'ki ewarupi kaisa ri inke ri, inke ri.

*Aimenkan Nito' U'ma'sa'*

<sup>11</sup> Miri a'tai, eke aimu'nan apono' ene'p<sub>pu</sub> uya, miri awonsi'ki ipo te'sen. Non miri awonsi'ki ka' apurumu'p<sub>pu</sub> ipiyapai, to' pata oton para ri iyese'p<sub>pu</sub>. <sup>12</sup> Iyeri'sa' kon ene'p<sub>pu</sub> uya, eke ton miri awonsi'ki aiko ton pokon pe ri, to' e'mu'sa'kasa' apono' piyau. Kareta amu' uta'koka'p<sub>pu</sub>, miri awonsi'ki t<sub>pu</sub>ron ni kareta uta'koka'p<sub>pu</sub>, seri esi t<sub>pu</sub>ko'manton kon karetaai. Iyeri'sa' kon eseru aimenka'p<sub>pu</sub> to' uya to' nukupu'p<sub>pu</sub> pikiri, kareta yau iye'menukasa' pikiri. <sup>13</sup> Parau uya t<sub>pu</sub>kau iyeri'pi'sa' kon nonka'p<sub>pu</sub>, miri awonsi'ki eri'nito' uya miri awonsi'ki or<sub>pu</sub> iy-eri'pi'sa' kon pata'se'<sup>§</sup> uya t<sub>pu</sub>na'si'p<sub>pu</sub> ton nonka'p<sub>pu</sub>, miripan kon eseru utaimenka'p<sub>pu</sub> to' kaisa ri to' nukupu'p<sub>pu</sub> pikiri. <sup>14</sup> Miri t<sub>pu</sub>po, eri'nito' miri awonsi'ki iyeri'sa' kon pata eno'ma'p<sub>pu</sub> to' uya apo' ku'piri ka'. Seri apo' ku'piri esi iyakon ite'kwa pe eri'nito'. <sup>15</sup> Inu' ri itese' e'menukasa' eposa' para iyese yau uko'man nito' karetaai pi' eno'ma'p<sub>pu</sub> apo' ku'piri ka'.

---

<sup>‡</sup> **20:9** eke pata; Seri esi Surusiran ta e'kwa pe.    **20:12** Taniyeru 7:9-10    <sup>§</sup> **20:13** Etis; Hades, Enkeri'si maimu yau; iyeri'sa' kon nono. (Apane Isenpoikasa' 1:18 enki.)

## 21

### *Emenna' Epun Miri Awonsi'ki Emenna' Non*

<sup>1</sup> Miri a'tai, emenna' Epun miri awonsi'ki emenna' non ene'p<sub>u</sub> uya. Wapiyaro' Epun miri awonsi'ki wapiyaro' non para iyena'p<sub>u</sub>, miri awonsi'ki parau para ri iyese'p<sub>u</sub>. <sup>2</sup> Miri a'tai, Wak<sub>u</sub> Pata ene'p<sub>u</sub> uya, emenna' Surusiran u'ti Epun apai, Papa winipai, iyekonekasa' temari'masen uri'san uta'k<sub>u</sub>'tisa' ama'non pe kasa tutaan'p<sub>u</sub> e'ma ta'. <sup>3</sup> Eke main usaurok<sub>u</sub> eta'p<sub>u</sub> uya apono' winipai, “Seri pe si Papa pata'se' man ka'pon am<sub>u</sub>' piyau. To' piyau iko'manto' oton, imunki am<sub>u</sub>' pe to' e'to' oton. Tamiri pe kuru Papa e'to' oton to' piyau, itese' pi' to' e'to' e' pe. <sup>4</sup> Tanporo to' enu paru a'munakato' iya oton. Eri'nito' para ri iye'to' oton, tauta'kwarukai' ukaran ni para ri, ukaran ni para ri, e'ne' para ri, penaro' ton para iyese wenai,” tawon.

<sup>5</sup> Kuri ri apono' po iyereutasa' uya, “Seri pe tanporon konekasa' uya man emenna' pe,” ta'p<sub>u</sub>, miri awonsi'ki upi' kanan ta'p<sub>u</sub> iya. “Seri imenuka', ap<sub>u</sub>ne para seri main ton esi i'napai ri kuru miri awonsi'ki tapurisen pe kuru iyese,” ta'p<sub>u</sub> iya.

<sup>6</sup> Miri awonsi'ki, “Iu'ma'sa' si man,” ta'p<sub>u</sub> iya. “Uri kuri ri Ar<sub>u</sub>'pa miri awonsi'ki Omeka, Iye'sara'ti miri awonsi'ki Iu'mat<sub>u</sub>. In<sub>u</sub>' ri tuna'kiri' ke na'ne' o'pa uya miri te'masen pen ni tuna ke, uko'man nito' tuna'kwaai ke. <sup>7</sup> In<sub>u</sub>' ri entakanin nu'p<sub>u</sub> uya seri epoto' oton uwinipai, itese' pi'

**21:1** Aisaya 65:17; 66:22; 2 Pi'ta 3:13      **21:2** Aisaya 52:1; 61:10;

Isenpoikasa' 3:12      **21:3** Isi'kiyer<sub>u</sub> 37:27; Ripaiti'kas 26:11-12

**21:4** Aisaya 25:8; 35:10; 65:19      **21:6** Aisaya 55:1

iyeto' Papa pe esi miri, miri awonsi'ki umu pe iye'to' oton. <sup>8</sup>E'tane enari'kena' ton, apurinin nan pen, iri ku'nin nan, te'wisan, tekumasan, enwoke' ton, ika'sa' apurinin nan, miri awonsi'ki tanporo kasi ye' ton—to' pata'se' e'to' oton soru'pa epo'ti ku'piri. Miri esi iyakon ite'kwa pe uma'tan nito'," ta'pu iya.

### *Emenna' Surusiran*

<sup>9</sup>7 kaisaron kon inseru amu' tonpa, 7 kaisaron pusau amu' epe'tipi'sa' esanon nu'san iu'matu ri 7 kaisaron paran ke, uyee'pu upiya', miripan uya, "Isi'ki, uri'san karimeru mare numari'manu ino'pu ekamato' pe uya ipi'," ta'pu iya upi'. <sup>10</sup>Uyari'pu iya Ita'kwaru yau eke, ka'tawon wu' pona, miripan uya Surusiran, waku pata uye'pu Eru' apa' Papa winipai ekama'pu upi'. <sup>11</sup>Irentasa' Papa karoreei ke, pata urentasa' esi'pu epe'kena' kuru ti' kasa, ti' isaspa tato' kasa, awai'nan ti' karostaru tato' kasa. <sup>12</sup>Eke, ka'tawon iwekupiri esi'pu, 12 kaisa ri imura'taai ton miri awonsi'ki 12 kaisa ri inseru amu' esi 12 kaisaron mura'ta amu' airi'ne. Mura'ta pi'ne 12 kaisaron kon Esuweru pon kon ese' ton e'menukasa' esi'pu. <sup>13</sup>Imura'taai amu' esi'pu osoruwau'ne, osoruwau iyese'pu wai enu uye'to' wini, osoruwau iyese'pu wai enu enuku enwo'netu wini, osoruwau iyese'pu wai enu enuku kamisi wini, miri awonsi'ki osoruwau iyese'pu wai enu utito' wini. <sup>14</sup>Miri pata wekupiri ekonekasa' esi'pu 12 kaisaron ti', iyapon pe te'sen po'ne, miripan pi'ne 12 kaisaron kon itekare ekamai' karimeru mare nennoko'san ese' ton e'menukasa' esi'pu.

**21:7** 2 Sanweru 7:14; Eren 89:26-27

**21:10** Isi'kiyeru 40:2

**21:13** Isi'kiyeru 48:30-35

15 Inse<sub>u</sub>, uyauro'kanin nu'p<sub>u</sub> enau yui kor<sub>u</sub> pun konekasa' esi'p<sub>u</sub> pata i'tuto' ike, imura'taai ton, miri awonsi'ki iwekupiri ton. 16 Pata esi'p<sub>u</sub> isi'kaisa ri, ikusano kaisa ri ika'ta esi'p<sub>u</sub>. Inse<sub>u</sub> uya pata i'tu'p<sub>u</sub> t<sub>u</sub>y<sub>i</sub>i ke; miripan e'seporo'p<sub>u</sub> 12,000 kaisa ri yui epotor<sub>u</sub>'p<sub>u</sub> pe ikusano,\* ika'ta miri kaisari ri mari, miri awonsi'ki ikawono esi'p<sub>u</sub> ikusano kaisari ri mari. 17 Inse<sub>u</sub> uya iwekupiri i'tu'p<sub>u</sub>, miripan e'seporo'p<sub>u</sub> 144 kaisa ri ite'kwa yui ikawono,† miri esi'p<sub>u</sub> ka'pon napur<sub>i</sub>n<sub>u</sub> airon i'tuto' ike nekaman<sub>u</sub> awiri. 18 Iwekupiri esi'p<sub>u</sub> ti', isaspa tato' pe; eke pata esi'p<sub>u</sub> kor<sub>u</sub> pe, esukenan wanamari kasa. 19 Pata wekupiri apon a'ku'tisa' esi'p<sub>u</sub> i'si'tai ri epe'kena' ton ti' am<sub>u</sub>' ke. Wapiyaro' kuru iyapon esi'p<sub>u</sub> ti' isaspa tato', isakon esi'p<sub>u</sub> ti' sa'paya tato', itosor<sub>u</sub>wano esi'p<sub>u</sub> ti' isaru'setoni tato',§ itasakiri'pano esi'p<sub>u</sub> ti' emiraru' tato', 20 5 pe iku'nin esi'p<sub>u</sub> ti' sarutone' tato', 6 pe iku'nin esi'p<sub>u</sub> ti' kaneriy<sub>i</sub>n<sub>u</sub> tato', 7 pe iku'nin esi'p<sub>u</sub> ti' kiri'sorai' tato', 8 pe iku'nin esi'p<sub>u</sub> ti' pereru' tato', 9 pe iku'nin esi'p<sub>u</sub> ti' to'pas tato', 10 pe iku'nin esi'p<sub>u</sub> ti' k<sub>u</sub>risop<sub>u</sub>res tato', 11 pe iku'nin esi'p<sub>u</sub> ti' isa'sen tato', miri awonsi'ki 12 pe iku'nin esi'p<sub>u</sub> ti' ama'tes tato'. 21 12 kaisaron mura'ta am<sub>u</sub>' esi'p<sub>u</sub> 12 kaisaron mokon pun am<sub>u</sub>', tikin pa'ne mura'ta ekonekasa' esi'p<sub>u</sub> tikin pa'nan mokon pun ke, eke

---

21:15 Isi'kiyer<sub>u</sub> 40:3 \* 21:16 12,000 kaisa ri yui epotor<sub>u</sub>'p<sub>u</sub> pe ikusano; 12,000 stetiya—1500 e'to' airi mayir<sub>u</sub>. † 21:17 ikawono; miri pe para, iti'simu. ‡ 21:17 144 kaisa ri ite'kwa yui ikawono; 144 kiyupi' am<sub>u</sub>'—200 e'to' airi pi'. § 21:19 Isaru'setoni; chalcedony, Enkeri'si pe. Miri ton epe'kena' ton ti' am<sub>u</sub>' esi miri warai'nan miri ton tukai' i'tu kuru para.

asanta, eke pata e'ma esi'pꞄ esukenan korꞄ pe, awai'ne wanamari kasa.

<sup>22</sup> Use'man nito', ipꞄreman nito' iwꞄ' ene uya pꞄra iyese'pꞄ pata yau, apꞄne pꞄra use'man nito', ipꞄreman nito' iwꞄ' pe ri Itepuru Papa Merunti pe kuru te'sen ye' miri awonsi'ki karimeru mꞄre esi pi'. <sup>23</sup> Miri pata esi wꞄi enu i'se pꞄra ri, miri pe pꞄra kapꞄi tꞄwei'tinin pe, apꞄne pꞄra Papa a'kwarii uya ri iwei'ti, miri awonsi'ki karimeru mꞄre esi iraan'puui pe. <sup>24</sup> TꞄpataron kon ka'pon amꞄ' usato' oton iweyu yau, miri awonsi'ki kin amꞄ' non pon kon uya timamin kon ne'to' oton iya'. <sup>25</sup> Pata mꞄra'taai ton amꞄ' e'to' oton ta'kokai' ri wꞄi tase, ita'koto' oton pen ni, apꞄne pꞄra ewarupi pꞄra iye'to' oton miri yau. <sup>26</sup> TꞄpataron kon ka'pon amꞄ' to' e'to' eke pe miri awonsi'ki to' imamin ton ne'to' oton miri pata ya'. <sup>27</sup> Iri pe na'ne' ewonto' oton pen ni miri pata ya', miri pe pꞄra inꞄ' ri Papa ewaruma ku'nin, miri pe pꞄra kasi pe te'sen, e'tane kamo riken karimeru mꞄre uko'man nito' karetaai pi' riken itese' e'menukasa' kon ewonto' oton iya'.

## 22

### *Uko'man Nito' Tuna'kwaai*

<sup>1</sup> InserꞄ uya tꞄu'tisen tuna uko'man nito' tuna'kwaai enpoika'pꞄ uyena', awai'nan ti' kꞄrestarꞄ tato' warai, Papa apon miri awonsi'ki karimeru mꞄre apon winipai, <sup>2</sup> miripan u'ti esi'pꞄ pata e'ma aporo' poro. Sen wini'ne ite'pi po uko'man nito' ku'nin ton ye' esi'pꞄ, 12 kaisa ri

---

**21:21** Aisaya 54:11-12    **21:23** Aisaya 60:19-20    **21:24** Aisaya 60:3    **21:26** Aisaya 60:11    **21:27** Aisaya 52:1; Isi'kiyerꞄ 44:9

**22:1** Isi'kiyerꞄ 47:1; Sakaraya 14:8

ite'kwa tepetasen tikin nan wuipiya yau, tikin ite'kwa tikin nan kapu'i yau, miripan are ton esi tūpataron kon ka'pon amu' epi'tito' ike pe. <sup>3</sup> I'ri ri Papa nupa'nuku'pu e'to' oton pen ni miri pata yau. Papa miri awonsi'ki karimeru mare apon e'to' oton miri pata yau, miripan poitoru ton uya apuripi'to' oton. <sup>4</sup> To' uya itemu' ento' oton, itese' e'menukasa' e'to' oton to' pee'pi pi'ne. <sup>5</sup> Ewarupi para ri iye'to' oton, raan'pu i'se para ri to' e'to' oton miri pe para wu'i enu ri, apune para Itepuru Papa e'to' oton to' weyu pe, miripan kon e'to' oton esa' wanni, kin amu' pe inke ri, inke ri. <sup>6</sup> Inseru uya ta'pu upi', "Seri main esi i'napai ri kuru, tapurisen pe kuru iyese. Itepuru Papa ta'kwaru tūnin pu'kena' amu' ena' uya, inseru enno'sa', seri pe kuru te'ku'ton ekamase'na tūpoitoru ton pi'," ta'pu iya.

### *Sises Uye'ni Pi' Man*

<sup>7</sup> "Etaki," ta pi' Sises man, "Seri pe kuru uye'ai! Pori' pe kuru kamoro esi miri seri kareta yau isekamasa' apurinin nan," ta'pu iya.

<sup>8</sup> Uri, Isaan uya seri ton eta'pu miri awonsi'ki ene'pu. Etasa' uya miri awonsi'ki ensa' uya a'tai, uta'mo'ka'pu inseru, uyenu ya' enpoikanin nu'pu pūta piyau apuripi'se'na. <sup>9</sup> E'tane, "Ku'kupui," ta'pu iya upi', "Awaraino ri mari uri miri awonsi'ki itonpa ton pu'kena' amu' miri awonsi'ki kamoro seri kareta yau iye'menukasa' awiron kon tonpa. Papa apuripi'ki!" ta'pu iya.

10 Miri awonsi'ki upi' ta'pua iya, “Ama' pe, te'ku'ton ekamanin, seri kareta yawon kusenkurunpai, apune para a'ko pe tanporo iye'ku'to' weyu man. 11 Kuri iri ku'nin nesii iri kupu pi' ri; kuri iri pe na'ne' nesii iri pe ri; kuri ipokena' ku'nin nesii ikupu pi' ri; kuri waku pe na'ne' nesii waku pe ri,” ta'pua iya.

12 “Etaki,” ta Sises uya, “Seri pe kuru uye'ai'. To' epe'pu ton sine'ai' uya'kiri tikin pa'ne to' repato' pe uya, to' nukupu'pu pikiri ri. 13 Uri kuri ri Aru'pa miri awonsi'ki Omeka; Wapiyaro', miri awonsi'ki Iu'matu; Iyepiya'ti miri awonsi'ki Iu'matu.

14 “Pori' pe kuru kamoro esi tapon kon korakasa' to' uya na'ne' waku pe, miripan kon repato' oton Papa uya uko'man nito' ku'nin ye' eperu ke, to' ewonto' pe mura'ta amu' awiri eke pata ya'. 15 Eke pata parorooi po pero amu'; enwoke' eseru ku'nin nan, ekumanpi' te'san, te'wisan, ika'sa' apurinin nan, miri awonsi'ki kasi ye' ton, main ke miri awonsi'ki tuku'se esi.

16 “Uri, Sises uya uinseruu enno'sa' ipiya'nokon so'si amu' auro'kanin pe. Uri kuri ri Tepi' Atu ru'pu miri awonsi'ki Ipa ru'pu, a'kwa, pata emaku a'taino Kaiyono',” ta'pua iya.

17 Iya'kwaru miri awonsi'ki inmari'manu uri'san uya, “Isi'ki!” ta, miri awonsi'ki inu' ri seri etayai'ne', “Isi'ki!” nikai ri mari. Tiwi tuna'kiri' ke na'ne' nu'yepui, tiwi i'se na'ne' te'masen pen uko'man nito' tuna'kwaai anamui.

---

**22:11** Taniyera 12:10      **22:12** Aisaya 40:10; 62:11; Eren 28:4; Iseremaya 17:10      **22:13** Isenpoikasa' 1:8, 17; 2:8; Aisaya 44:6; 48:12      **22:14** Iseneses 2:9; 3:22      **22:16** Aisaya 11:1, 10      **22:17** Aisaya 55:1

18 Tanporon kon seri kareta yawon te'ku'ton ekamanin maimu etanin nan panama uya: Inu' ri itonpa'tipi'nin nu'pu esi yau, Papa uya ri kanan paran tonpa'tito' oton seri kareta yau isekamasa' na'ne'. 19 Miri awonsi'ki inu' ri seri pu'kena' pe ekamanin kareta yapai imo'kanin esi yau, Papa uya ri ineporonu uko'man nito' e' miri awonsi'ki wak uke pata yau isekamasa' na'ne' seri kareta yau mo'ka miri ipiyapai.

20 Tanporo seri ton ekamanin nu'pu uya, "T'napai ri iyese miri; seri pe kuru uye'ai," ta.

Amen. Isi'ki, Itepuru Sises.

21 Waku nonkasa' Itepuru Sises uya nesii Papa munki amu'\* piyau. Amen.

---

22:19 Isu'taronomi 4:2; 12:32 \* 22:21 Papa munki amu'; taron ni imenukasa' yau, tanporon ni, miri pe pu'ra, tanporon ni Papa munki amu'



**Wakɔ Itekare: Emenna' Pe Ekonekan Nito'  
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files dated 29 Jan 2022

0a50da4e-768d-5472-9dd1-d9747ff5918f